



監本冊府元龜卷之九百八十一

外臣部 二十六

盟誓

周官司盟掌盟載之法蓋邦國會同之制也其於四夷則胡人
彈越人剗臂與夫中國軟血所由各異示信一也若乃要荒之
俗凶悍成性置之度外斯為匪人先生於是羈縻而不絕之也
然而威力有所不及德義有所不懷姑務息民非可瀆武繇是
申以詛誓質以神明達之以誠心要之以禍福然後邊鄙不虞
保障以寧倒載干戈而阜安生齒茲亦長轡遠御之一術也至
或飭其詐諛臨事生變志畝剽却以快匈奴此亦豺狼之常性
之某之不臧者乎

魯公二年春公會戎于潛脩惠公之好也戎請盟公辭秋八

月庚辰公及戎盟于唐復修戎好也穀梁傳也曰唐魯地也

桓公二年七月公及戎盟于唐脩舊好也

僖公三十二年四月衛人侵狄狄衛人及狄盟

文公八年十月公子遂會伊維之戎盟于暴

哀公十九年秋三夷男女及楚師盟于敖

秦昭襄王時板楯蠻夷居巴郡閬中時有一白帟常群從帟數

遊

秦蜀巴漢之境傷害千餘人昭王乃重募中國有能殺虎者賞

巴萬家金百鎰時有巴群閬中夷人能作白竹之弩乃登樓射

殺白帟昭王加之而以其夷人不欲加封乃刻石名要復夷人

頃田不租十妻不羨傷人勿論殺人他濫切錢贖死盟曰秦

犯夷輸黃龍一雙夷犯秦輸清酒一鐘夷人安之

漢宣帝時與呼韓邪單于納來自長城以南天子有之長城以

北單于有之有犯塞輒以狀聞有降者不得受

元帝時遣車騎都尉韓昌光祿大夫張猛送呼韓單于侍子昌

猛見單于民衆益盛塞下禽獸盡單于足以自衛不畏郵支聞

其大臣名歡單于北歸者塞下無禽獸則射獵無以所恐北去

後難約束不可更共為言要昌猛即與為盟約曰自今以來漢與匈奴

合為一家世世毋得相詐相攻有竊盜者相報行其誅嘗其物

漢人為盜于匈奴為有寇發兵相助漢與匈奴敢先背約

者受天不祥令其世世子孫盡如盟昌猛昌猛與單于及大臣

但發匈奴諾水東山地諾貞水也刑白馬單于以徑路力金

番犁撓水徑路匈奴室也契金著酒中撓撓飲之以老上單

于所破月氏王頭為飲噐者共飲血盟昌猛還奏事公卿議

欲北去猶不能為危害昌猛擅以漢國世世子孫與夷狄盟

令單于得以惡言上告于天羞國家傷為威重不可行宜遣使

往告祠天與解盟昌猛奉使無伏罪至

不道薄其過有詔昌猛以贖論勿解盟

平帝時西域車師後王句音去胡來王唐兜為其去胡而來

號降匈奴詔令單于執還使中即將王萌待西域惡奴都界逆

受惡都奴西域之谷名單于遣使送到國因請其罪使者以聞

有詔不聽其罪不免會西域諸國王斬以示之迺造設四條更斬為

中國人亡入匈奴者烏孫亡降匈奴者西域諸國背中國印綬

降匈奴者烏桓降匈奴者皆不得受遣中即將王駿王昌副校

尉甄阜王尋使匈奴班四條與單于離丞封與璽書同付單于

令奉行因收故宣帝所為約束封亟還

宋師子國王剝摩訶南奉表遣二白衣送牙臺像以為信誓史

唐高祖武德七年八月頡利突利二可汗舉國入寇道自原州

連營南上太宗時為秦王受詔北討與虜遇於幽州醜徒震駭

因而請和太宗許之結盟而去又云突利武德初深自結託太

太宗以武德九年八月即位是月辛巳突厥寇高陵祭味祭奉

渭水之上與可汗隔津而語責其負納頡利請和詔許之乙酉

幸城西刑白馬與頡利同盟于便橋之上突厥引兵而退

高宗麟德二年八月開府儀同三司新羅王金法敏熊津都尉

北餘降盟于百濟之熊津城初百濟自扶餘璋餘與高麗連和
屢侵新羅之地新羅遣使入朝求救望於路及蘇定方既平百
濟軍回餘衆又叛鎮守使劉仁願劉仁軌等經畧數年漸平之
詔扶餘降歸撫餘衆及令與新羅和好至是刑白馬而盟先祀
神祇及川谷之神而後歃血其盟又曰往者百濟先生迷於逆
順不敦隣好不睦親姻結託高麗交通倭國共為殘暴侵削新
羅剽邑屠城畧無寧歲天子憫一物之失所憐百姓之無辜頻
命行人遣其和好負儉恃遠悔慢天經皇赫斯怒龔行吊伐旌
旗所指一戎大定固可渚宮污宅作誠來裔塞源拔本垂訓後
昆然懷柔伐叛前王之令典興亡繼絕徃視之追規事必師古
傳諸曩冊故立前百濟大司稼正卿扶餘隆為熊津都督守其

祭祀保其桑梓依倚新羅長為興國各除宿憾緒和親各承詔
命永為蕃服仍遣使人右威衛將軍魯城縣公劉仁願親臨勸
諭是宣成旨約之以婚姻申之以盟誓刑牲歃血共保歲寒分
災恤患恩若兄弟祇奉綸言不敢失墜既盟之後共保歲寒若
有背盟二三其德興兵動衆侵犯邊陲神明鑒之百殃是降子
孫不育社稷無守禋祀磨滅罔有遺餘故作金書鉄券藏之宗
廟子孫萬代無敢違神之聽之是享是福劉仁軌之辭也歃其
理書牲帛於檀之任他滅其書於新羅之廟於是仁軌領新羅
百濟耽羅倭人四國使浮海西還以越大山之下
玄宗開元二年五月吐蕃宰相盆遠遙獻書於宰臣曰兩國地
界事資早定界定之後然立盟書大夫解琬昔在安相界望使

今于河源相與展議蕃之願也帝聞之命左散騎常侍解琬使于河源宰臣魏知古姚崇盧懷真等致書報達延日承屯聚兵馬初不知者頗亦為疑但以彼國君臣素敦信義况立盟誓又結婚姻悠悠之談復何足信若見利忘義破親負約神道不遠何以逃殃自見米書果符意揣兩國和好百姓安寧永絕邊虞豈非好事所論分界先有盟書今奉勅令左散騎常侍解琬往河源與公平章解琬國之重臣素有德言行無二諾衆所共推昔常克使安西備諳彼之境土今遣將實命焉琬既行勅琬賞神農二年吐蕃誓文與達延定界臣欽若等曰神農二年盟誓事使史缺六月吐蕃使其宰相尚欽藏及御史名悉獵來敵盟書帝御承天門樓命有司引見置酒於內殿享之

十一月乙酉賜丹書鐵券于奚都督烏褐頡利發契丹衣健啜六年十一月吐蕃遣使奉表曰仲冬極寒伏惟呈舅萬福使典軍馬集并吐蕃使判蕃獵等同至其書共傳語并悉且委所緣和事者孝和帝在日其國界并是遂便斷當訖彼此亦已盟誓漢宰相等官入誓者僕射豆盧欽望魏元忠中書令李嶠侍中紀處訥肅至忠侍郎李迥秀尚書宗楚容韋安石楊紀等一十人吐蕃宰相等亦同盟誓及遂迎公主入蕃彼此安隱於後太上皇登極親好並相和同雖復如舊其漢宰相入誓者並已沒於後宰相不知已前要契當今望重立盟誓甥舅各親置盟書宰相依舊作誓彼此相亦長安隱此處使人論乞力餘尚奔時央俄等前後七遍入漢比論皇帝舊親置誓書事復遣宰相作

外甥亦親置宰相亦作呪如此使七迴來去阿舅却報言舅甥親自手置誓書及被此宰相作呪阿舅去大是好事及至今日阿舅手署不見宰臣作呪亦無又西頭張玄表將兵打外甥百姓又李知古亦將兵打外甥百姓既緣如此違誓失信所以吐蕃遂發兵馬今奉阿舅以前所有嫌惡並悉不論自今已後依前和睦大是好事在此外舅亦同阿舅來意阿舅必定和好所以遣使人往來亦得文不須重盟誓者緣孝和皇帝時舊漢宰臣人民誓者必無阿舅必以和好不重作盟誓此彼不相信要須新立盟誓即日來知國事亦不由官寮並皆自決但是百姓擬遣安業義長快恬阿舅書上雖道和好意中不專知有和益今日必定和好此處速却迴的實相報來書云乞力徐此集

兵馬者准舊例兵馬新舊交替若道別集兵馬並是虛言又往者平論地界白水已來中間並合空間作秋間郭將軍率聚兵馬於白水築城既緣如此吐蕃遂干界內道築一城其兩國和同亦須迎送使命必若不和其城彼此守捉邊境又以此突厥骨吐祿共吐蕃交通者舊時使命實亦交通中國舅甥和睦已來准舊平章其骨吐祿阿舅亦莫與交通外甥亦不與交今聞阿舅使人頻與骨肉交通在此亦不知為不和中間有突厥使到外舅處既為國王不可久留外國使人遂却送歸即日兩國和好依舅斷當吐蕃不共突厥交通如舅不和自外諸侯使命入蕃任伊來去阿舅所附信物並悉外甥今奉金胡瓶一馬腦

一伏惟受納

八年十月吐蕃使名悉臘等至京詔御史大夫崔琳克使報聘仍於赤嶺各豎立界之碑約以更不相侵二十二年遣將軍李佺於赤嶺分界立碑二十四年吐蕃與漢樹柵為界置守促河西節度使散騎常侍崔希逸謂吐蕃將乞力徐力西國和好何須守促妨人耕種請皆罷之以成一家豈不善也乞力徐報日常侍忠厚必是誠言但恐朝廷未必皆相信任萬有一人交構掩吾不備後悔無益也希逸固請之遂發使與乞力徐殺白狗為盟各去守備於是吐蕃畜牧被野

天寶元年九月以護蜜國王子頡吉里匄遣使上表請背吐蕃來屬賜鈇券日咨爾護蜜王子頡里匄扶藩杆可寄惟信是往節義可積雖遠無隔卿之先代常附國朝通使有常書擇相次自卿父繼立近阻強隣被制凶威有乖夙志今遂能獻誠疑潛託歸懷自非心悞遠畝何以克存先意念此誠肯嘉上尤深今賜卿冊書鈇券以旌忠孝長表信義永傳子孫日月同明山河齊久可不美歟可不慎歟

肅宗元年建寅月吐蕃使來朝請和勅宰相於中書宴設將詣光宅寺為盟使者曰蕃法盟誓取三牲血軟之無向佛寺之事請明日復于鴻臚寺軟血以申蕃戎之禮從之

代宗廣德三年秋迴紇犯邊先以關內副元帥郭子儀屯經陽十月迴紇首領羅達江等率其衆二千餘騎詣涇陽請降子儀許之合故祿都督等與宰相磨咄莫賀達于宰相噉莫賀達于宰相相護都毗伽將軍宰相揭拉裴達于宰相梅祿大將軍羅達

平章事海盈聞達于等子儀先執杯合胡祿都督請呪子儀
呪曰大唐天子萬歲迴紇可汗亦萬歲若起負心背盟約
者身死陣前家口屠戮合胡祿都督等失色及杯至即譯日如
令公盟約皆喜

永泰元年三月吐蕃遣使請和詔宰臣元載杜鴻漸與之盟於
興唐寺

大曆二年四月宰臣及內侍吳朝恩與吐蕃使同盟於興唐寺
德宗建中二年十二月入蕃使判官監察御史常魯與吐蕃使
論悉諾羅等至日蕃中初魯與其使崔漢桓至列館贊普令止
之先命取國信勅書既而使謂漢衡曰來勅云所貢獻物並領
訖命賜外甥少信物至宜領取我大蕃與唐舊生國耳何得以

臣禮見虜又所欲定界云州之西請以賀南山為界其盟約請
依景三年勅書云唐使到彼外甥先與盟誓蕃使到此阿舅亦
親與盟乃邀漢衡遣使奏定魯故還奏帝為改勅書以貢獻為
進以賜為寄以領取為領之且謂曰前相楊炎不循故事致此
誤耳其定界盟約並從之

三月十日以都官員外郎樊澤御史中丞入吐蕃計會使初漢
衡與吐蕃約以十月十五日定界盟誓漢衡到商度米決已過
期遂命澤詣結贊復定盟會期且告遣隴右節度使中書侍郎
平章事張鑑與之同盟澤至故原州西與結贊相見約以來年
正月十五日會盟于清水

四年正月詔隴右節度使張鑑與吐蕃相尚結贊等盟于清水

將盟與結贊約各以二千人越壇所執兵者半之列於壇外二百步散從者半之分立壇下鎡與賓位齊抗及會盟官崔漢衡樊澤常魯于頔等十人皆朝服結贊與其本國相論悉煩臧論臧熱乞利陀斯官者論乞力徐者七人俱昇壇為盟初約漢以牛蓄以馬為牲鎡耻之與盟將殺其禮乃請結贊曰漢非不由蕃非馬不行今請以牛豕犬三物代之結贊許諾時塞無外豕文曰唐有天下恢奄禹跡舟車所至莫不避俾以累聖重先卜年惟永焯王者之丕業被四海以聲教與吐蕃贊普代為婚姻固結隣好安危同軀甥舅之國將二百年其間或因小忿棄意為讎封疆騷然靡不有寧歲皇帝踐祚愍茲黎元俾釋俘囚以歸蕃落蕃國展禮同茲叶和行人往復累布成命是必詐謀不起兵革不用矣備猶以兩之要求之乂古有結盟今請用之國家務思邊人外其故地弃利蹈義豎盟從約而國家所守界荆州西至彈箏峽西口隴州西至清水縣鳳州西至同谷縣暨劔南西川大度水東為漢界蕃國守鎮在蘭渭會西使臨洮又東至成州抵劔南西界磨此二諸蠻天渡水西東為蕃界其兵馬鎮守之處州縣見有居人彼此兩邊見屬漢諸蕃以今所分見在處依前為定其黃阿已北從故新泉軍直北至大磧直南至賀蘭山駱駝嶺為界中間悉為閑田盟文有所不在者蕃有兵馬處蕃守漢有兵馬守漢守並依見守不得侵越其先未有兵而處不得新置并築城堡耕種今二國將相受辭而會齊戒將

古者告天地山川之神惟神照臨無德愆墜其盟文藏於宗廟副
在有司二國之成其永保之結贊亦出盟之不加於坎但埋牲
而已盟畢結贊請鎡就壇之西南隅佛幄中焚香為誓誓畢結
贊升壇飲酒獻酬之禮各用其物以將厚意而歸四月與塔相
區加塔蕃使崔衡檢校工部尚書帝初令宰相尚書與蕃相區
頰贊盟於豐邑里壇所將盟以清水之約疆不定塲遂罷因番
頰贊末遣復令漢衡決于贊普七月以國子祭酒李暎為禮部
尚書御史大夫入蕃會盟使壬辰命宰相李忠臣盧杞閔播右
僕射崔寧為工部尚書喬琳御史大夫于頔太府卿張畝恭司
農卿段秀實少府監李昌首政京兆尹王珣左金吾大將軍渾
瑊等與吐蕃宰相區頰贊等會盟壇所初于頔自至蕃中與尚

結贊約疆塲既定請國其使從之以豐邑坊盟壇在京城之內
非便請卜壇於京城之西其禮如清水之儀先盟二日命有司
告太廟盟告致齋三日朝服升壇宰相閔播跪讀盟文盟畢晏
賜而遣之甲午以李暎為右僕射監官克使為故

貞元三年五月戊子以侍中渾瑊為吐蕃清水會盟使兵部尚
書崔漢衡為盟會副使司勳員外郎鄭叔矩為判官己丑渾瑊
赴會盟所帝令瑊統衆二萬餘又遣華州潼關節度駱元光赴
之乙巳帝令宰臣召吐蕃使論結贊等於中書誼會盟之所初
崔澣與尚結贊約復會盟於清水且先歸我盟夏二州結贊固
云清水非吉地請會于原州之土黎樹又請盟畢歸二州澣遣
使與泣贊固奏帝將懷柔故皆從之約以閏五月十五日盟於

大梨樹丁樹地多隘險恐戎軍隱將不利於我平涼西川隅坦
平且近涇州就之為便及是定盟所於平涼川從有麟之言也
時蕃使論泣贊已復命遽帝命告還而遣之閏五月辛未渾城
與蕃相結贊命盟于平涼初城與結贊約以兵三千人列於壇
之東西散手四百人至壇下及將盟又約各遣遊軍以相覘伺
結贊擁精騎數萬於壇西蕃之遊軍貫穿我師城之將梁奉
貞率六十騎為遊軍繞至蕃中皆被執畱城不虞結贊又遣謂
城曰請侍中以下服衣冠劔佩以俟命蓋誘其下馬將却持之
城與副使兵部尚書崔漢衡監軍特進宋奉朝等皆入募次坦
無他虞結贊命伐鼓三聲呼譟而至城遽自募後偶得他馬不
加御城伏於獵而手加之凡馳十餘里御方及口故遣騎之矢
過而不傷焉惟城裨將辛榮招合數百人據北阜與賊接戰須
臾賊衆四合榮力屈而降奉朝及城叛官殿中侍御史韓弁并
為亂兵所殺漢衡及中官劉延邑俱文琬李朝清漢衡判官司
勲員外鄭叔矩城判官檢校戶部郎中路泌掌書記袁同直大
將軍扶餘準馬寧及神策鳳翔河東將孟曰華李至言樂演明
范澄馬弁等六十余人皆陷馬余將士及夫役死者四五百人
馘掠者千余人咸被解奪其衣物漢衡為亂兵所繫且從使呂
溫以身蔽之刃中溫而漢衡獲免漢衡及夷言謂執者曰我漢
使崔尚書也結贊與我善與欲殺我結贊亦殺汝乃捨之盡馳
而西行既而面縛各一木自領于身以毛繩三策之又以繩連
其髮而牽之夜皆踣之於地以髮繩各繫於一椽又一毛剗都

覆之守衛者卧其上以防其亡逸也以甲戌至故原州結贊坐於帳中召與相見數讓國家因怒渾瑊曰武功之力皆我之力許以涇州靈州相報竟食其言負我矣舉國所恐本却是盟在擒瑊也吾遣以金環飾桎告侍瑊將獻于贊普既以失之虛致君等耳當遣軍輩一二人歸報家族也呂溫帶瘡亦至結贊加其義厚給資之結贊率其衆屯於石門遣中官俱文珍渾瑊之將馬寧燧之將馬奔歸于我遂送漢衡叔矩等因於河州辛榮扶餘準等故囚於故廓州故鄯州分囚之結贊本請社希全李觀同盟將却執二即將乘其銳犯金師希全等既不行又欲却執渾長區入寇其始謀狡靈靈如此癸酉帝遣中官王子常賚詔書以遺結贊蕃界不納而還初瑊與駱元光將發涇州元光

謂瑊曰本奉詔命令營於潘原堡以應援侍中竊潘原堡去盟所六十七里蕃情多詐侍中儻有急我何由知之請次以為虞之變瑊以非詔有固止之元光境與同進瑊之營西去盟所二十余里元光營次之其濠柵頗深故瑊之濠柵可踰焉及瑊單騎奔歸未及其營守將李朝宰不能整衆多已散瑊之至也空營而已噐械資糧悉弃之賴元光之衆陣於營中瑊既入賊追騎方退元光乃先進輜重次與瑊俱申其蹠令嚴其倍伍而還時以為有將帥之風焉帝特加之賜良馬十匹金銀噐及綿絲甚厚瑊復鎮於奉天七月甲寅侍中渾瑊自會盟所來朝素服待罪有詔釋之而後謁見

初宰相柳渾曰夷狄人面獸心難以信李晟曰今日之事誠如渾言事其

宰相識

穆宗長慶元年九月吐蕃請盟帝許之宰相欲重其事請告太廟太常禮院奏曰謹案肅宗代宗故事與吐蕃會盟並不相告廟唯德宗建中末與吐蕃會盟于延平門欲重其誠信特令告廟至貞元三年會于平涼亦無告廟之文伏以事出一時又非經制求之典禮亦無其文今謹叅詳恐不合告從之乃命大理卿兼御史大夫劉元昇充西蕃會盟使以兵部郎中兼御史中丞劉師孝為副尚舍奉御兼監察御史李武京兆府奉先縣丞兼監察御史李公度為判官是年十月命宰臣崔植王播杜元穎並赴于吐蕃誓壇常所太常禮院奏應赴會盟官尚書右僕射韓皋御史中丞牛僧孺吏部尚書李絳兵部尚書蕭俛戶部尚書楊於陵禮部尚書韋緩太常卿趙宗儒司農卿裴武京兆尹柳公綽右金吾衛將軍郭鏌並令赴壇所其誓詞曰惟唐天承撫有八絃聲教所臻靡不來廷競業齊粟懼其隕續武紹文疊慶重光克彰濬誓罔忝洪緒一有二業二百有載則裁太廟權明踴建不拔鋪鴻名而垂永久類上帝以荅加應享皇靈以酌景福曷有怠已越歲在辛丑冬十月癸酉文武孝德皇帝詔丞相承植臣播臣元穎等與大蕃使禮部尚書論納羅等會盟于京師壇所于城之西郊坎于壇北凡讀誓刑牲加書復懷陟降周旋之禮動無違者蓋所以晏伯息人崇姻繼好懋建遠畧規恢長利故也原夫昊穹上臨黃祗下載茫茫蠡之利必資官司為厥載臣苟無統紀則相滅絕中夏見管維唐是君西裔一夫大蕃為主自今而後屏去兵革宿忿舊惡廓焉消除追從舅

謂曩昔繫授邊候撒驚戍烽韜烟患難相恤暴掠不信停障旣
脫絕其交侵襟帶要害謹守如故彼無此詐此無彼虞嗚呼愛
人為仁保竟為信畏天為智事神為禮有一不至遘災于躬塞
山崇、河、湯、日吉辰良奠其兩疆西為大蕃東實巨唐文
臣執簡播告秋方大蕃贊並及宰相鉢闡布尚騎心兒等先寄
盟文要節云蕃漢二邦各守見管本界彼此不得征討不得相
為寇讎不得侵謀境土若有所疑或要捉生問事優給衣糧放
還今並依從更無添改預盟之官十七人皆列名焉是月劉元
昂等與論訥羅同赴吐蕃本國就盟仍勅元昂到彼令宰臣以
下各于盟文後自書名元昂歷容官之間與蕃給侍中論悉荅
執擁千余騎議盟事於藏河北川中特贊普建衙帳于野以柵
槍為壘每十步攢長梨百枝而中建大旆次第有三門相去百
步門有甲士巫祝烏府帟帶繫鼓掙箭入者必搜索而進內起
高臺還以寶楯帳曰金帳其中緣布多以其金蛟螭帟豹之狀
至甚精巧元昂既見贊普年可七十八號可黎可足戎衣白褐
以朝霞纏頭坐佩金釧國政蕃僧號鉢掣逋立于座右侍中宰
相列于臺下翌日于衙帳西東具饌饌味酒噐畧與漢同樂工
奏秦王主破陣樂涼州緣腰胡渭州百戲等皆中國人也所築
盟壇濶下步高二尺漢使與蕃相及高位者十余人相向列位
酋領百余人坐于壇下上設一榻高五六尺使鉢掣逋讀誓之
則蕃中文字使人譯之讀訖軟訖唯鉢掣逋不預以僧故也盟
畢於佛像前作禮使僧送文以為誓約爵金呪水引吃飲漢使

焚香行道相賀而退及元鼎迴過河川元帥尚榻藏即蕃相尚
綺心兒也館九鼎于大夏川中集東節度使將帥凡百餘人看
本國所置盟文于臺上高聲曉讀訖因約束各守封界無相侵
掠由是大和已來隴外稍安

冊府元龜卷第九百八十一

監本冊府元龜卷之九百八十二

外臣部 二十七

征討

夫中國之於夷狄羈縻勿絕而已其或申威讓之令舉攻代之
兵亦所以討不諛遏內侮震耀王靈攘除民患誠不得已而用
之也自帝軒之勢降及三代蠢茲荒獮嘗聞猾夏蓋亦陳師薄
伐殘夷驅出流乎雅頌紀乎春秋秦漢之後邊患既作曷常不
厲兵鞠旅賦居籍馬徂征燹伐以見武節或頻出而無寧歲或
畧地而極遐徼以至宣威固圉庶民賴其保障解紛救患殊俗
被于恩信原夫要荒之外聲教罕暨鷙猛以成性貪琳而無厭
自非內敦乎德義外施乎武怒亦何以革去禍心而靖其亂畧

戰嚴尤所謂戎狄之侵譬如蟲蟲之赦歐之而已真之言者歟

黃帝北遂葷粥身收傳曰唐虞已上有山戎獫狁葷粥居于北蠻

夏後相二年征黃夷先是大康夫國四夷背叛及居相即位乃征吠夷七年然後來賓

商成湯即位征吠夷先是后桀之亂吠夷入居邠岐之間成湯既興伐而讓之

高宗伐鬼方三年乃克鬼方四卷也

武乙三十五年周王秀成西洛鬼戎俘二十翟王也

大丁二年周王伐燕京之戎

四年周王伐余無之戎克之周王季命為殷收帥也

七年周人伐始呼之戎克之

十一年周人伐翳徒之戎捷其三大夫

周文王時西有昆夷之患北有獫狁之難遂攘戎狄西戎之國

莫不賓服

成王時東伐淮齊踐焉奄國在淮夷之北遷其居薄姑齊也

穆王時戎狄不貢王征大戎獲其五王

夷王時荒服不朝乃命虢公伐太原之戎至於俞泉獲馬千匹

宣王時命秦仲伐戎為戎所殺乃召秦仲子莊公與兵七千人

伐戎破亡又命穆公召虎平進夷先是懿王時戎侵中國宣王

興時命將以征伐之詩人美大其功曰薄伐獫狁至于太原小曜

六月之詩也薄出車彭城彼朔方小雅出車之詩也彭城成也

戎言逐出也之又命方叔為將南征荊州之蠻作菜芑詩曰方叔涖

城以守

止其車三千師干之試師衆干行試用也又曰蠢爾蠻荆大邦為讎方

叔元老克壯其猶猶道也又曰顯允方叔征伐獫狁蠻荆來威方叔

先與吉甫征伐獫狁今特徃伐蠻荆皆使來服於宣王之威

襄王十五年以翟王女為后十六年復紬翟后王子帶開翟人

翟人遂人周襄王出奔温居外四年迺使使告急晋晋文公初

立欲脩霸業乃興師伐戎翟誅子帶迎内襄王于唯邑當是時

秦晋為強國晋文公攘戎翟居于西河圉洛之間圉音囂地理志圉水出上

郡白土縣西東流入河圉水即今艮州水是也洛水謂之添沮號曰赤翟白翟

二十四年秋伐晋侯晋敗狄于箕卻缺獲曰翟子

項王時魯述孫得臣敗狄于鹹魯地也獲長翟僑如富父終甥春

其侯以伐殺之富父終甥魯大夫也春猶衛埋其首于子駒之門子駒魯以郭門名

命宣伯宣伯叔孫得臣子喬如也得臣獲初宋武功之世鄭瞞

伐宋武公功周平王時在春秋前司徒禦之以敗翟于長丘宋地

也獲長翟緣斯喬如之祖也晋之滅路在魯宣公十五年獲喬如弟焚如

定王六年鄭瞞伐齊王子成父或其弟榮如埋其首於北門接

表齊惠王二年衛人獲其帝簡如獲與喬如同時鄭瞞由是遂亡長翟之種絕

又定王時荀林父敗赤狄于曲梁乃滅路曲梁今廣平曲梁縣也豐舒奔

衛衛人歸諸晋人殺之

景王時楚子聞蠻氏之亂也與蠻子之無資也資信也使然丹誘

戎蠻子加殺之遂敗蠻氏既而復立其子焉禮也許之非也立

南新城縣東敬王楚人既克夷虎夷虎蠻夷乃謀北方左司馬

敗由公壽余葉公諸梁致葵於負函三子楚大夫也此葵之故地人民楚因為邑致之者

南有蠻城

會其致萬城之外於繒閔皆楚也曰吾將浙江入郢日沂流將

奔命焉為一昔之朝襲梁及霍偽辭當備吳夜結期明日便襲

故城也梁南有霍陽縣單浮余圍蠻氏蠻氏潰浮余楚蠻子赤

奔晉陰地陰地河南山北泊司馬起豐折與戎狄楚司馬取也

即折南有豐皆楚邑以臨上雒左帥軍于莞和莞和山在左師

軍于倉也倉野在上雒縣使謂陰地之命大夫士蔑命大夫刷曰晉楚

有盟好惡同之若將不廢寡君之願也不然將通於少習以聽

命少習商縣武閔也將士蔑請諸趙孟趙孟曰晉國未寧安能

惡於楚必速與之未能時有范士蔑乃致九州之戎九州戎在

渾將列田以與蠻子而城之以詐且將為之卜蠻子聽卜遂

執之與其五大夫以卑楚師于三戶今丹水縣司馬致邑立宗

焉以誘其遺民楚服詐為蠻子而盡俘以歸

元王元年楚沈諸梁伐東夷報三夷三夷男女及楚師盟于教

從越之夷三秦始皇三十二年燕入盧生使入海還以鬼神事因奏錄圖書

曰亡秦者胡也胡胡亥秦二世名也秦見圖始皇乃使將軍蒙

恬發兵三十萬人北繫胡畧取河南地三十三年發諸常逋亡

人贅婿贅謂居窮有子使賈人畧取陝梁地為桂林今鬱象郡

今日南海以適遣戍五十萬人西北斥逐匈自榆中在金並河以

東並音傍屬之陰山原在立以為三十四縣城河上以塞又使蒙

恬度河取高閔陶山北假中王莽傳云五原北築亭障以逐

戎人徒傷實之

漢高帝七年匈奴大攻圍馬信伐王邑王邑韓信降匈奴匈奴得

信因引兵南踰句注攻大原至晉陽下帝自將往繫之會冬大

寒雨雪卒之墜指者十二三

文帝三年五月匈奴入居北地河南為寇北地郡之地黃河

幸甘泉天子居駕所至臣民以為僥幸故曰幸見令長三老官

或賜田租之半故因謂之幸也遣丞相灌嬰繫匈奴去十四年

冬匈奴寇邊殺百地都尉昂功臣表云僕孫單以父北地都

此正合然則昂姓孫而徐廣乃云信段說者因曰段會宗即

之玄孫無所據也會宗漢書有傳班固不云是邛後何從而知

手遣三將軍軍隴西北地上郡中尉周舍為衛軍郎中令張武

車騎將軍軍謂北車千乘騎卒十萬人親勞軍勒兵申教令申謂

之賜史卒自欲征匈奴群臣果不聽皇太后固要帝乃止要欲

痛呪誓之言於是東陽侯張相儒為大將軍建成侯重赫內史欒

布皆為將軍繫匈奴匈奴走

武帝建元三年七月閩越圍東甌告急遣中大夫嚴助持節發

會稽兵浮海救之至閩越兵走

六年八月閩越王郢攻南越遣大行王恢將兵出豫章大司農

韓安國出會稽繫之未至越人殺郢降兵還初閩粵繫南粵南

粵守以天子約不敢擅發而以聞帝遣恢及安國皆為將軍兵

來踰踰與踰同領閩越王郢發兵拒險其弟餘善與宗族謀曰王以

擅發兵不請故天子兵來誅漢兵衆強即幸勝之後來益多言

地廣多兵衆盛強滅國乃止今殺王以謝之天子天子罷兵固

國完不聽廼力戰不勝即亡人海皆曰善即銳殺王銳皆初紅

使使奉其頭致大行大行曰所以為來者誅王王頭至不戰而殞利莫大焉乃以便冝案兵告大司農軍而使、奉王頭駝報子詔罷兩軍兵

元光六年春匈奴入上谷殺畧吏民遣車騎將軍衛青出上谷騎將軍公孫敖出代輕車將軍公孫賀出雲中驍騎將軍李廣出鴈門青至龍城詢匈奴單于祭于天大會龍城獲首虜七百級廣失

師而還

元朔元年秋匈奴入遼西殺太守入漁陽鴈門敗都尉殺畧三千余人遣將軍衛青出鴈門將軍李息出代獲首虜數千級三年正月匈奴入上谷漁陽殺吏民千余人遣將軍衛青李息出雲中至高閼出名也一日塞名也在胡方之地遂西至符離魯北塞名也獲首虜數

千級收河南地置朔方五原郡

四年夏匈奴入代定襄上郡殺數千人明年春大將軍衛青將大將軍兵十餘萬人出朔方高閼獲首虜萬五千級

五年秋朔奴伐入殺都尉明年二月大將軍衛青將大將軍兵十餘萬騎出定襄斬首三千餘級還休士馬于定襄雲中鴈門

四月青復將軍將軍絕幕幕曰絕或曰是塞外地名非矣幕直即今之突厥中磧耳李陵歌曰經千里兮度紗幕大克獲前將軍趙信軍降匈奴右將

軍蘇建亡軍獨身脫還贖為庶人

元狩二年三月遣驃騎將軍霍去病出隴西至臯蘭臯蘭山名也霍去病

傳云過馬支山千有餘里合短兵斬首八千餘級是月將軍去病公孫敖出比地千餘里過居延居延匈奴中地名韋昭為張掖所置居延縣者以要安處

所獲居延人而置此縣

斬首虜三萬餘級里匈奴入鴈門殺畧數百人遣

衛尉張騫即中令李廣皆出右北平廣殺匈奴三千余人盡已

其軍四千人獨身脫還及公孫敖張騫皆後期當斬贖為庶人

四年春將軍衛青將四將軍出定襄將軍去病出代各將五萬

騎步軍中軍後數十萬人踵接也青至幕北圍單于斬首萬

九千級至闐顏山乃還闐顏山塞之填去病與左賢王戰斬獲首虜七

萬余級封狼即居婿山乃還登山祭天築土為封兩軍事死者

數萬人前將軍廣後將軍食其皆後期廣自殺食其贖死李廣傳云

引兵與將軍食其合軍出東道又曰廣自頸右將軍不利當死贖為庶人霍去病傳云云趙食其為右將軍平陽侯襄為後將

軍此紀其誤也傳鴈者誤以右為後食其音異塞

元鼎五年四月南越王相臣呂加等反殺漢使者及其王王大

后以衛尉路博德為伏波將軍出桂陽下湟水湟音皇主爵都尉

楊僕為樓船將軍出豫章下橫浦一云下故歸義越侯二人為

戈舡下瀨將軍從粵來兮歸義而漢封之戈舡名嚴下瀨甲名出零陵或下離水或抵

蒼梧使馳義侯名遺因巴蜀罪人發夜即兵下牂柯江咸會番禺

六年十月遂定越地九月先零羗與封養牢姐種解仇結盟與匈奴通合

兵十余萬共攻令居故安遂圍罕明年十月發隴西天水安

定騎士及中尉河南南河北卒十萬人遣將軍李息即中令徐

自為繫平之始置獲羗校尉持節統領焉

是年南夷且蘭君殺漢使者反帝廼發巴蜀罪人當繫南越者

八校尉繫之會越已破漢八校尉不下中即將郭昌衛廣引兵

還行誅隔滇道者且蘭言因軍行而便誅之也斬首數萬遂平南夷為牂

河節

六年秋閩粵王余吾刻武帝璽自立詐其民為妄言妄自尊大也帝

遣橫海將軍韓說出句章說讀曰悅句章會稽之縣浮海從東方往樓舡將

軍僕出武林楊僕也中尉王溫舒出梅嶺粵侯王為戈舡下瀨將

軍出如邪白沙明年冬咸入東粵東粵素發矩獫使狗將軍守

武林敗樓舡軍數校尉殺長史樓舡軍卒錢唐猿終古斬狗北

將軍錢唐會稽縣也猿姓終古名也猿音袁為說兒侯越中地也今吳南寧是語字或作禦或非禦其音同

竟平閩粵

元封二年四月朝鮮王改殺遼東都尉乃幕幕天下罪繫之先

是朝鮮王右渠誘漢亡人滋多又未嘗入見不朝見天子也漢使涉何

譙諭右渠終不肯奉詔譙責讓也音才笑切何去至界臨沮水使馭刺殺

送何者朝鮮裨王土長長者裨王名也送何至沮水上何因刺殺之遂歸報天子曰

殺朝鮮明帝為其名美弗語拜何為遼東東部都尉朝鮮怨何

發兵殺攻殺何天子幕罪人擊朝鮮其初秋遣樓舡將軍楊僕

從濟浮渤海兵萬左將軍荀彘出遼東誅右渠

三年夏朝鮮相尼谿相參使人殺其王右渠未降初左將軍荀

彘樓舡將軍楊僕繫朝鮮二將不知將軍與使者執樓舡將軍

左將軍已并西軍即急繫朝鮮朝鮮相路人相韓陶尼谿相參

將軍王啖音頰相與謀曰始欲降樓舡樓舡今執降獨左將軍并

將戰益急恐不能與言不能與猶也王又不肯降陶啖路人皆已降

將路人道死尼谿相參乃使人殺朝鮮王右渠來降王降城未

下故右渠之大臣成已又反覆攻吏左將軍使右渠子長右渠之子

下故右渠之大臣成已又反覆攻吏左將軍使右渠子長右渠之子

長降相路人于最相路人前已降漢而死于道古諭其民誅成

已故遂定朝鮮

大初元年八月遣二師將軍李廣利發天下謫民西征大宛初

二師起燔煌西為人多道上國不能食起發也道上國近道分

為數軍從南北道校尉王申生鴻臚壺充國等千余人別至都

成城守不肯給食生申去大軍二百里負而輕之負恃也特大

敵攻都成急郁成窺之申生軍少晨用三千人攻殺申生等人

脫已走二師走音二師令搜粟都尉上官桀往攻破郁成都成

降其王已走康居桀追至康居康居聞漢已破宛出郁成王與

桀桀令四騎士縛守詣大將軍時多別將故謂四人相謂郁成

漢所毒言毒限卒讀失事大欲殺莫適先繫適生也無

繫者也音上邽騎士趙弟拔劍繫斬都成王桀等遂追及大將

軍初年春斬大宛王首

二年秋遣沒稽將軍趙破奴沒稽山在武塞北匈奴常二萬騎

出朔方繫匈奴

天漢二年五月二師將軍李廣利三萬騎出酒泉與左賢王戰

于天山在西近蒲頭國去長安八千余里即騎重山斬首虜萬

余級又遣音杆將軍出西河騎都尉李陵將步兵五千人出居

延與單于戰斬首虜萬余級陵兵敗

四年正月發天下七科謫吏有罪亦已命二贅婿三賈人四故

市籍七九及勇敢士遣二師將軍李廣利特六萬騎步兵七萬

人出朔方因杆將軍公孫敖萬騎軍步兵三萬人出鴈門遊擊

將軍韓

說謂曰悅

步兵三萬人出五原強弩都尉路博德步兵萬余

人與二師命廣利與單于戰于吾水上連日教與左賢王戰不利皆引還

征和三年正月匈奴入五原酒泉殺兩都尉二師將軍李廣利

將七萬人出五原御史大夫商丘成二萬人出西河重合侯馬

通四萬騎入酒泉成至浚稽山上音浚下音鷄與虜戰多斬首通至大

山虜引去因降車師皆引兵還

廣利敗降匈奴

昭帝始元元年夏益州庶頭姑繒民反殺長吏牂柯談指同並

等二十四邑凡三萬余人皆反皆西南夷別種名也並音伴遣水冲都尉呂

破胡吏民及發蜀郡犍為犇命萬余人犇古奔字擊牂柯大破之四

年姑繒葉榆復反遣水衡都尉呂辟胡將郡兵擊之音必辟胡

不進蠻夷遂殺益州太守乘勝與辟胡戰士戰及溺死者四千

餘人明年復復遣軍正王平與大鴻臚田廣明等並進大破益

州斬首捕虜五萬余級獲畜產十餘萬

元鳳元年三月武都氐人反遣執金吾馬適建姓馬適名建龍客侯

韓增與大鴻臚廣明將三輔大常徒皆免刑繫之是月大江主諸陵縣治民

三年匈奴東繫破烏桓大將軍霍光聞之因遣使遼將軍范明

友二將高騎出遼東邀匈奴而虜已引兵明友乘烏桓新敗遂

進擊之斬首六千余人獲其三五首而還

六年夏烏桓復犯塞遣度遼將軍范明友擊之

宣帝本始二年匈奴數侵邊又西伐烏孫昆弥及烏孫公主國

佼者上書昆弥烏孫王之號也主昆弥願發國精兵擊匈奴惟

國使者漢朝之使也

天子哀憐出兵以救公主秋大發興調關東輕車銳卒調亦進也

也言其勇利也選郡國使三百石伉健習騎射者皆從車伉強也音

口浪御史大夫田廣明為祈連將軍祈連匈奴中山名也諸

切為號後將軍趙克國為蒲類將軍蒲類匈奴中海名也在燉

中太守田順為帛牙將軍及度遼將軍范明友前將軍韓增允

五將軍兵十五萬騎校尉常惠持節獲烏孫兵咸擊匈奴昭又云

時烏孫楚公主上言匈奴發騎田車師與匈奴為一兵侵

烏孫惟天子幸救之漢養士馬議欲擊匈奴宣帝初會公主及

昆孫皆遣使書上言匈奴復連發大兵侵給烏孫取車延惡師

地收人民去使謂烏孫趨特公主來最讀曰促欲隔絕漢昆孫

願國半精兵自給人馬五萬騎盡力擊匈奴唯天子出兵以救

公主垂主昆孫漢兵大發十五萬騎五將軍分道並出遣校尉

常惠使持節獲烏孫兵昆孫自將翕侯以下五萬騎從四方入

至右谷蠡于廷獲單于父行及嫂居次名主黎汗都尉千長騎

將以下四萬騎馬牛羊駟索馳石地節二年車師王烏貴立匈

七餘頭頭烏孫皆自所虜獲焉

奴結婚姻漢遣侍郎鄭吉校尉司馬憲音許將免刑罪人田渠

黎積谷款以攻車師至秋收谷吉憲發城郭諸國兵萬余人自

與所將田士千五百人共擊車師攻交河城破之王尚在其北

石城中未得會軍食盡吉等且罷兵歸渠黎田收秋畢復發兵

攻車師王於石門王問漢兵且至北走匈奴求救未為發兵王

來還與貴人蘇尤議欲降漢恐不見信蘇尤教主繫匈奴邊國

小蒲斬首畧其人民以降吉車師旁小金附國隨漢軍後盜車

師車師王復自請擊破金附匈奴聞車師降漢發兵攻車師吉

憲引兵北逢之匈奴不敢前吉憲即留一侯與卒二十人番守

-5 155 0 945" data-label="Text">

王吉等引兵歸渠黎車師王恐匈奴兵復至而見殺也乃輕騎

-10 155 -5 945" data-label="Text">

奔烏孫吉即迎其妻子至渠黎東奏事至酒泉有詔還田渠黎

及車師益積谷以安西國侵匈奴吉還傳送車師王妻子詣長
安嘗賜甚厚每朝會四夷常尊顯以示之於是吉始使吏卒三
百人別田車師得降者言單於大臣皆曰車師地肥美近匈奴
使漢得之多田積谷必害人國不可不爭也果遣騎來擊田者
擊乃與校尉盡將渠犂田士人千五百人往田匈奴復益遣騎
來漢田卒少不能當保車師城中匈奴將即其城下謂吉曰
也單于必爭此地不可田也圍城數日乃解後常數千騎往來
守車師去渠犂千余里間以山河間隔也音居覓切北近匈奴漢兵在
渠犂者勢不能相救願益田卒公卿誼以為盜遠煩費可且罷
車師田者詔遣長侯羅常惠也將張掖酒泉騎出車師化千余里
揚威武車師旁胡騎引兵去吉乃得出歸

元康三年先零與諸羌共盟誓將欲寇邊帝聞使光祿大夫義
渠安國義渠信也將兵觀之安國至召先零豪四十余人斬之因放
兵擊其種斬首千余級於是諸羌怨怒寇金城乃遣趙充國與
諸將將兵六萬人擊破平之

神爵元年三月西羌反發三輔中都官徒弛刑及應募飲飛射
士羽林孤兒胡越騎三河潁川沛郡淮陽汝南材官金城隴西
天水安定北地上郡騎士羌騎詣金城遣後將軍趙充國強弩
將軍許延壽擊之

甘露二年四月遣獲軍都尉祿將兵擊珠崖

元帝建昭三年秋使護西域騎都尉其延壽副校尉陳湯言延壽及

湯本充西域之使故壽及先橋發戍已校尉屯田吏士及西域言使而後序其官職及姓名

胡兵攻鄯支單于橋與矯同矯託也實不奉詔詐以上命發兵

處也亦猶甲乙等各有方位而戌與己辰季寄王故以名官也

時有戌校又有己校尉位在中央今新置校尉處三十六國之中故曰戌己也各斬其首傳詣京師縣蠻夷邸門

成帝時陳立為牂柯太守立臨邛人前為連然長不韋令皆益州縣

也蠻夷畏之及至牂柯諭告夜郎王與不從命立請誅之未報

乃從吏數十人出行縣行音下更切至與國且同亭且音子于切召興興

將數千人彼至亭從邑君數十人入見立數責因斷頭數音所且切

邑君曰將軍誅亡牂為民除害願出曉士眾以興頭示之皆釋

兵降釋改鉤釘王禹漏卧侯俞震恐入粟千斛半羊勞吏士還

歸郡興妻父翁指與子邪務收余兵迫脅旁二十二邑反至冬

立奏募諸夷與都尉長史分將攻翁指據院為壘立

便寄兵絕其饌道從反間以誘其眾間居竟切都尉萬年兵久不決

費不可共共讀曰供引兵獨進敗走趨立營趨讀曰趣向也立怒叱戲下

令格之戲立許宜切音麾都尉復還戰立引救之時天大旱立次絕其

水道蠻夷兵斬翁指持首出立已平之西降為微詣京師平常

元始中車師後王國有新道出五舡北通玉門閔往來始鈞音

鈞以道當為柱置柱者柱也言有所置立而支柱於已故心不便也柱音竹羽切又竹其切其從于而讀之

者或曉以柱為梁行及分破其句言置柱于心皆天之也心不便也地又頗與匈奴南將軍

地接晉欲分明其界然後奉之召姑句始登之不肯擊之姑句

數以牛羊財吏求出不得姑句家矛端生火其妻服紫取音

切謂姑句曰矛端生火此兵氣也利以用兵前車師前王為都

護司馬所殺今又繫必死不如降匈奴即馳突出高昌磬入匈

匈奴

奴又去胡來王唐堯國比大種赤水羗比近也音皮寢切數相寇不勝

告急都護都護但欽不以時救助唐堯困急怨欽東守王門閔

不內即將妻子人民千余人亡降匈奴匈奴受之而遣使上書

言狀是時新都侯王莽秉政遣中郎將王昌等使匈奴告單于

西域內屬不當得受單于謝罪執二王以付使者莽使中郎將

王萌待西域惡都奴界上逢受逢受謂先至道之逢見即受取也

單于遣使送因請其罪請免其罪也使者以聞莽不聽詔不會西域

諸國王陳軍斬姑句唐堯以示之

監本冊府元龜卷之九百八十二

監本冊府元龜卷之九百八十三

外臣部二十八

征討第二

後漢光武建武十年正月匈奴在南將軍將數千騎救盧芳將

賈覽於同柳大司馬吳漢捕虜將軍王霸等五將與戰于平城

下破之追出塞斬首數百級十三年漢復將弛刑徒起亭障自

代至平城三百余里凡與匈奴烏桓大小數十百載

十一月先零羗寇金城隴西中即將來欵卒諸將擊羗於谿大

破之隴西襄武縣有五谿聚

十一年先零羗寇臨兆隴西太守馬援破降之陟至天水隴西

扶風三郡

十二年五都參狼羗及隴西太守馬援破降之

十九年九月西南夷寇益州郡故城在今昆州晉寧縣是遣武威將軍劉尚

討之二十一年正月諸夷悉平

二十一年四月安定屬國胡叛屯聚青山青山在今慶州馬嶺縣西北遣將兵

長史訴討平之音訖坎

十月遣伏波將軍馬援出塞擊烏桓不克

三十三年正月南郡蠻叛遣武威將軍劉尚討破之徙其種之

於江夏郡民故城在今安州云夢縣東南

十二月武陵蠻叛寇掠郡縣遣劉尚討戰於流水武陵郡今所州也流水名

出牂河東北過臨北縣至長伐入洞庭河尚軍敗歿

二十四年七月武陵蠻寇臨兆遣謁者李嵩中山太守馬成討

蠻不克於是伏波將軍馬援四將軍討之二十五年十月叛蠻悉降

中元元年十一月參狼羗寇武郡敗郡兵隴西太守劉軒遣軍

救之及五都郡兵討叛寇皆破之

明帝以中元二年三月即位九月燒當羗寇隴西敗郡兵於尼

街縣名屬金城郡遣謁者張鴻討叛寇於允吾縣名屬金城郡十一月遣中郎

將竇固監捕虜將軍馬武等二將軍討燒當羗明年七月大破之

永平元年史不書月遼東太守祭彤使鮮卑擊赤山烏桓大破之斬

其渠師赤山在遼東西北數千里

是年復遣中郎將竇固捕虜將軍馬武等擊滇吾于西耶大破

之始復夷叛益州刺史發兵討之破斬其渠師傳首京師

十五年帝欲尊五帝故事擊匈奴通西域以竇固明習邊事固舊

隨融河西拜為秦車都尉以騎都尉耿忠為副忠奔謁音僕射

耿秉為附馬都尉岑彭為副皆置從事司馬並出屯涼州明年

固與忠率酒泉焯煌張掖申卒及盧水羌胡案湟水東經臨羌縣故城北又東盧

漢水注之水出西萬二千騎出酒泉塞耿秉岑彭率武威隴西

天水募士及羌胡萬騎出居延塞居延塞在今其又大僕祭彤

度遼將軍吳棠將河東北地西河羌胡及南單于兵萬一千騎

出高闕塞高闕山名在朔方北騎都尉來苗護烏桓校尉文穆將大原鴈

門代郡上谷漁陽右北平定襄郡兵及烏桓鮮卑萬一千騎出

平城塞固忠至天山即初連山也今在西州交河擊呼衍山斬

首千餘級呼衍王走追至蒲海蒲類海今名婆悉海在番吏士

屯伊吾盧城伊吾今伊州也本匈奴地名帝置宜禾者尉此為

耿秉岑彭絕漠六百餘里至三木樓山匈奴中耒苗文穆至匈

奴河水上盧皆奔走

十六年命將帥北征匈奴取伊吾盧地

十七年十一月遣奉車都尉竇固附馬都尉耿秉騎都尉劉張

出敦煌昆侖塞昆侖山名因以為羅在今肅州酒泉縣西南山有昆侖之體故名之周穆王見西王母于北山

在石室擊破白山盧于蒲類海上遂入車師

章帝建初元年正月酒泉太守段彭討擊車師

二月武陵澄中蠻陳從等叛十月郡兵討破之降

九月永昌哀牢夷叛明年三月永昌越嵩益州三州民夷討叛

平之

二年六月燒當寇叛金城太守郝宗討之敗贖羌遂寇漢陽八

月遣行車騎將軍馬防討平之

其年燒當迷吾與封養種豪布橋等五萬人共寇隴西漢陽於是遣行車騎將軍馬防長水校尉耿种討之明年四月四防等破燒當羗於臨羗

三年閏四月西域假司馬班超擊姑墨大破之先是莎車以為漢兵不出遂降於隴西而疏勒都尉番辰亦復反叛會假司馬徐幹適至超遂與幹擊番辰大破之斬首千余級多獲生口超既破番辰欲進攻龜茲以烏孫兵強宜因其力乃上言烏孫大國控強十萬故武帝妻以公主至孝宣皇帝卒得其用今可遣使招討與共合力帝納之復遣假司馬和恭等四大將兵八百詣超超因發疏勒于寘兵擊莎車沙車陰通使疏勒王忠啖以

重利忠遂反從之西保烏郎城越乃更立其為府城丞大為疏勒王悉發其不反者以攻忠積半歲而康車遣精兵救之超不能下是月時氏新與康居為婚相親超乃使使多齎錦帛遣氏月王令曉士康居王康居王乃罷兵執忠以歸其國烏郎越遂降於超後三年忠說康居王借兵還據損中

華喬書并作損中本或植木知孰是也

損中未詳東觀既作頓中續漢書及

密與龜茲謀遣使詐降於超超內知其姦而外偽許之忠大喜即從輕騎詣超超密勒兵待之為供張設樂供音車用切張音竹亮切酒行乃叱吏縛忠斬之因擊破其衆殺七百余人南道于是遂通後永元三年超為西域都護徐幹為長史拜白霸為龜茲王遣司馬姚光送之超與光共脅龜廢其王尤多利而立白霸使光將犹多利還詣京師超車龜茲屯乾城徐

幹屯疏勒西域唯焉耆危湏尉犁以前設都護懷二心其余悉定六年秋超遂廢龜茲鄯善八國兵合七萬人及吏士賈客千四百人討焉耆兵到尉犁果而遣曉說焉耆尉犁威湏曰都護來者欲鎮撫三國即欲向善改過宜遣大人來迎當賞賜王侯已下事畢即還今賜王綵五百匹馬耆王廣遣其左將北韃支俸牛酒迎超超誥韃支曰汝雖匈奴侍子而今秉國之權即獲自來王不以時迎皆汝罪也或謂超可便殺之超曰非汝所及此人權重於王今未入其國而殺之遂今自疑設備守儉豈得到其城下哉於是賜而遣之廣乃與大人迎超於尉犁奉獻珍物焉耆國有危橋之險廣乃絕橋不欲令漢軍入國超更從他道勵度七月晦到焉耆去城二十里正營大澤中廣出不意大

恐乃欲悉驅其人共入山保焉其左侯元益先償質京師密遣使以事告超即斬之示不信用乃期大會諸國王因揚聲重加賞賜於是焉耆王廣尉犁王汎汲比韃等支三十人相率詣超其國相復父等十七人懼諸皆亡人海十七字或為七十而危湏王亦

不至坐定超怒詰廣曰危湏王曰故不到腹父等所緣逃亡遂叱吏士收廣汎等於陳陸故城斬之傳首京師因縱兵鈔斬掠京首五千余級獲生口萬五千人馬畜牛羊三十萬余頭更立元孟為焉耆王半歲尉撫之余是西域五十余國悉皆納質內

屬焉五年三月荆豫諸郡兵討破五陵淩中叛蠻先是二年冬淩中蠻單兒

兇健等復反攻燒零陽作塘孱隣界中明年春發荊州七郡及汝南平川施刑徒吏士五千余人拒守零陽募克中五星蠻猜夫不叛者四千人擊灑中賤五年春單見健等諸降不許郡降因遣兵與戰於宛中大破之斬兇健首余皆弃云走還淩中

章和元年春羌胡雜種叛護羌校尉傅育上請發隴西張掖酒泉各五千人諸郡太守將自有自領漢陽金城五千人合二萬兵與諸郡克期擊之命隴西兵據河南張掖酒泉兵遮其西並未及會育軍獨進迷吾開之徒廬落去育選精選騎三千窮追之夜至建威南三變谷去虜數千里須且擊之不設備迷吾乃伏兵三百人夜突育營中驚環走散育下馬手戰殺余人而死者八百八十人及諸郡兵到羌遂引去

七月燒當羌寇金城護羌校尉劉軒討之斬其渠師

和帝以章和三年二月即位十月以侍中竇憲為車騎將軍伐北匈奴

永元元年六月車騎將軍竇憲出重鹿塞今在朔方窳渾縣北

渾縣有大道西北出度遼將軍登鴻出相陽塞相羊縣屬九原

界相音因南單于出滿夷谷滿夷谷閼與米匈奴戰于嵯落山大破

之追至河渠北鞬海憲遂登燕然山刻石勒功而還

二年五月月氏國遣兵攻西域長史班超擊降之

三年二月大將軍竇憲遣左校尉耿种出居延塞居延縣出圍

北單于於金微山大破之獲其母閼氏

四年冬漢中蠻潭戎等燔燒郵亭移畧利民武陵郡兵擊

破降之

五年九月北匈奴於除鞬自畔還北帝遣將兵長史王輔以千

余騎與中郎將任尚共追誇將還斬之破滅其衆

是年護羌校尉貫支討燒當羌乃遁去南單于安國叛骨都

侯喜斬之

六年七月西域都護班超大破之焉耆尉犁斬其王南單于安國從弟子逢侯率叛胡立出塞九月癸丑以光祿勳鄧鴻行車騎將軍事與越騎校尉馮柱行度遼將軍朱徽使匈奴中即將杜崇討之

十一月護烏桓校尉任尚率烏桓鮮卑大破逢侯

闕駟十三州志曰獲烏丸

擁節秩比二千石武帝置以護內付烏丸既而并於匈奴中節將中興初班彪上言宜復此官以招附東胡於是復更置烏

馮柱遣兵擊復之武陵淩中蠻叛郡兵討平之

八年五月南匈奴右溫語犢王叛為寇七月行度遼將軍龐奮越騎校尉馮柱進討平斬右溫禺犢王

是年衆羌擊破隴西兵殺大夏長遣行征西將軍劉尚越騎校尉趙代副將北軍五營黎陽雍營三輔積射及邊兵羌胡三萬人討之

九年三月遣西域將兵長吏王林發涼州六郡兵及羌虜胡二萬余人以討車師後部王涿鞮獲首虜千余人涿鞮入北匈奴漢軍追擊破之立涿鞮弟農奇為王

七月燒當羌寇隴西殺長史遣行征西將軍劉尚越騎校尉趙世等討破之

十二年四月日南象林蠻夷二千余人寇掠百姓燔燒官寺郡縣發兵討擊斬其渠師余衆乃降

十三年二月西羌迷塘復將兵向塞獲寇校尉周賄與金城太守侯霸及諸郡兵屬國湟中月氏諸隴西牢姐寇合三萬人出

塞至允川與迷唐戰周鮪還營自守唯侯霸兵陷陳斬首四百
餘級羗衆折傷種人凡解降者六千余口分徙漢陽安定隴西
迷唐遂溺其種衆不滿千余遠踰賜支河首依發羗車

十四年四月遣使者督荊州兵討巫蠻破降之

安帝永初三年十月南單于叛圍中即將耿种於美稷遣車騎

將軍何熙度遼將軍何慎等討之明年正月破之於屬國故城

一云三年夏漢人韓琮隨南單于擅入朝既還說南單于云
東水積人民飢餓死盡可擊也單于信其言遂起兵反叛攻中
即將耿种於美清秋虜卒冬遣行車騎將軍何熙副中郎龐
擊之四年春擅遣單于騎寇常山中山以西域校尉梁瑾行度
遼將軍與遼東太守耿護擊單于見諸軍並進大恐怖願韓
琮曰汝言漢人死盡今是何等也及遣使乞降許之單于脫
帽徒銑對龐雄等拜陳道死罪於是赦之遇侍如初乃還所鈔
漢民男女及羗所畧韓賣於人匈奴中者萬余人
五年九月先零諸種羗攻陷上邽城

七年七月護羗校尉侯霸騎都尉馬賢討破之

初元二年三月先零羗寇益州詔遣中即將尹就討之

十二月武陵澧中蠻叛州郡擊破又云元初二年澧中蠻以郡
縣徭稅大半懷怨恨遂結克

諸種二千余人攻城殺長吏州
郡募五里蠻夷六亭兵擊破之

三年正月蒼梧鬱林合浦蠻夷反叛二月遣侍御史任連督州

郡兵討之

正月武陵蠻夷叛州郡討破之又云是年澧中澧中蠻四千人
並為盜賊又零陵羊孫東湯等

千余人着赤幘稽將軍燒官寺
鈔掠百姓州郡募善蠻討平之

是月度遼將軍鄧遵卒南匈奴擊先羗於靈州破之

六月中即將任尚將羽林緹綺五營子弟三千五百人屯三輔

尚遣兵擊破先零羗于丁奚城十二月尚又遣假司馬募陷陣

已擊零昌於北地殺其妻子得牛馬羊二萬頭燒其廬落親斬首七萬余級得僭号文書及所假諸將印綬

四年十二月中即將任尚將諸郡兵與馬賢並進北地擊狼莫賢先至安定青石崖即莫擊逆敗之會尚兵到高平因合勢俱進狼莫等引退乃轉營迫之至此地相持六十余日戰於富平河上大破之斬首五千級還得所畧人男女千余人牛馬驢羊駱駝千余萬頭狼莫逃走

五年正月越雋夷以卷夷大牛種等反叛永昌益州蜀郡夷皆叛應之破壞二十余縣詔益州刺史張喬選堪能從事討之喬遣從事楊竦將兵至椽榆擊之斬首三萬余級

六年春姐種於隴西種羗號梁等通謀欲反護寇校尉馬賢逆擊之於安故斬跽良及種人數百級余皆降散

七月鮮單寇馬城在今度遼將軍鄧遵南單于擊殺之

建光元年正月幽州刺史馮煥率二郡太守討高句驪濊貊不

剋又云元初五年句驪遂與濊貊寇玄菟攻葉臺城建光元年春幽州刺史馮煥玄菟太守遼東蔡諷等將兵出塞擊之捕

漸濊貊渠師獲兵馬財物其秋句驪又率馬韓濊貊數千騎圍玄菟夫余王遣子尉仇台將二萬余人與州郡並力討破之斬

首五百余級

延光元年七月度人種羗與上郡胡反叛攻戰谷羅城屬西度遼

將軍耿种將諸郡兵及烏桓騎赴擊破之

二年正月旄牛夷叛寇靈關殺縣令靈關道屬益州刺史蜀郡

西都部尉討之

三年五月南匈奴左王逐叛使匈奴中即將馬翬討破之時烏

稽侯尸逐鞮單于新降一部大人阿族等遂反叛脅呼徽欲與俱去呼尤徽曰武老矣受漢家恩寧死不能相隨衆欲殺之有救者得免寇族等遂將妻子輜衆亡去翼遣兵與胡騎追擊之破斬首級自投河死者殆盡殆近也欲死獲馬牛羊百余頭

四年西域長史班勇擊車師後王軍就初永寧元年就反叛殺後部司馬及燉煌行事至是大破斬之

順帝建元元年二月隴西種羌叛獲羌校尉馬賢將七千余人戰於臨洮斬首千余級皆率衆人降自是涼無事

二年二月鮮卑寇遼東玄菟護烏桓校尉耿种南單于擊殺之六月西域長史班勇燉煌太守張即討焉耆尉犂危須三國破之陽加元年燉煌太守徐由遣疏勒王且槃發一萬人擊寘先

是永建四年于寘王放前殺車彌王興自立其為拘彌王而遣使者貢獻於漢由上求討之帝赦于寘罪令歸拘彌國放前不肯至是由討破之斬首數百級放兵大掠更與宗人成國為拘彌王而還

三年三月使匈奴中郎將王稠率左骨都侯等擊鮮卑破之三年四月車師後部司馬率後部王加持奴等掩擊匈奴大破之獲其季母

七月種羌良封等寇隴西漢陽護寇校尉馬續擊破之斬首千八百級獲馬牛羊五萬余頭復進擊鍾羌且昌且昌等詣涼州降

永和二年二月廣漢蜀國都尉擊白馬羌斬首六百余級初羌

攻破屯官反叛連年至是破之護羌校尉馬賢擊斬其渠師飢指鬼祖等二百級於是隴右復平

二年二月燒當種那離等三百余騎突金城塞馬賢將兵赴擊斬首数百余級獲馬千四百匹

是年冬澧中湊中蠻二千人圍充城八千人寇夷道遣武陵太守李進討破之

四年四月馬賢討燒當大破之斬那離獲首虜千二百余級

五年四月南匈奴左部句龍大人吾斯車紐等叛圍美稷度遼將軍馬續討破之

九月且凍傳南種羌等反叛攻金城與西域及湟中新種羌胡大寇三輔殺害長吏發京師近郡及諸州兵討之拜馬賢為征

西將軍以騎都尉耿叔副將左右羽林五校士及諸州郡兵十萬人屯漢陽又於扶風漢陽作塢壁三百所置屯兵以保聚眾百姓且凍分遣眾人寇武都隴關掠苑馬

十一月匈奴中即將張耽將幽州烏桓諸郡營兵擊畔虜車紐等戰于馬邑斬首三千級獲生口及兵器牛羊甚眾車紐等將詣豪師骨都侯及降

六年正月東西羌大合鞏唐羌種三十余騎寇隴遣中即將將龐凌募勇士千五百人頓美陽人為涼州援武都太守趙冲追

鞏唐羌斬首四百余級得馬牛羊驢萬八千余頭羌二千余人

降五月使匈奴中即將張耽大破烏桓羌胡於天山

一通天山又云是年征西將軍馬賢五六千騎且凍南種羌等到射姑山軍賢敗

一云耽將吏兵繩索相懸

漢安二年四月護羌校尉趙冲與漢陽太守張貫擊燒當羌於
參蠻破之參蠻屬安定郡先是元年罕種羌率邑落五千餘戶詣冲降

唯燒何種三十餘落據參蠻北界至是安吉掩之斬首千五百

級得牛羊驢十八萬頭閏十月趙冲擊諸種斬首四千餘級復

追擊於河陽縣名屬天水郡斬首八百級於是諸種前後詣凉州刺史

降建康元年三月護羌從事馬玄為諸羌所有時羌種亡出塞

領護校尉衛琚追擊玄等斬首八百餘級得牛馬羊二十餘萬

頭四月使匈奴中郎將馬寔擊南匈奴左部破之於是胡羌烏

桓悉詣寔降

桓帝建和二年白馬羌寇廣漢屬國殺長吏是時西羌及湟中

胡復畔為寇益州刺史率板板楯蠻討破之

永壽元年七月南匈奴左臺且渠伯德等叛寇美稷安定屬國

都尉張奐討除之

三年四月九真蠻夷叛太守兒式討之戰沒遣九真都尉魏即

擊破之

延熙元年十二月鮮卑寇邊使匈奴中郎將張奐率南單于擊

破之

二年十二月燒當等八種羌叛寇隴右護羌校尉段紀明追擊

於羅寧破之一去追到積石山即與羅亭相近在今鄯州

三年閏正月燒何羌叛寇張掖護羌校尉段紀明追擊於積石

山大破之

十一月勒姐羌圍允衛段紀明擊破之

四年十月先零沈氏姜與諸種羌寇并凉

十一月中即將皇甫規監關西兵擊破之斬首八百級降者千
余萬

五年七月烏吾羌寇漢陽隴西金城諸郡兵討破之

八月武陵蠻夷叛寇長沙十月寇江陵以太常馮緄為車騎將
軍討之十一月大破於武陵

七年十月護羌校尉段紀明擊當煎羌破之

八年二月段紀明擊罕姐羌破之

六月段紀明擊當煎羌於煌中大破之今善州
湟水縣

九年六月南匈奴及烏桓鮮卑分騎數萬人入緣邊九郡並殺
掠吏人七月追匈奴中即將張奐擊之鮮卑及出塞去南匈奴

烏桓率眾詣象降

永康元年正月先零羌寇三輔使匈奴中即將奐破之平當羌

寇武威護羌校尉段紀明追擊於鸞鳥大破之鸞鳥縣屬
武威郡西寇

悉平

十月先零羌寇三輔中即將張奐擊破之

灵帝建寧元年七月破羌將軍段紀明復破先零羌於涇陽縣名

屬定
郡

二年七月段紀明大破先零羌於射虎塞外谷東羌悉平

九月江夏蠻叛州郡討平之

是年羌太守耿臨討高句麗斬首數百級其王伯固降服乞屬

去亮

熹平五年益州郡諸夷反叛執太守雍涉遣御史中丞朱

龜討之不能克太尉掾邑郡李顓建策討發乃拜顓益州太守

與刺史龐芝發板楯蠻擊破平之還得雍涉顓卒後夷復叛以

廣漢景毅為太守討定之

光和二年十月邑郡板楯蠻叛遣御史中丞蕭瑗督益州刺史

討之

中平三年十月武陵蠻叛界郡兵討破之

五年十一月郡邑板楯蠻叛遣上界軍別駕司馬趙瑾討平之

獻帝建安十二年八月司空曹公大破烏桓於柳城斬首蹋頓

蹋頓匈奴王號蹋頓騎武邊長老皆北之冒頓恃其阻遠敢受

亡命以雄百蠻公潛師北伐出其不意一戰而定夷狄懾服威

振朔士遂引烏桓之服衆從征討而邊民得用安息初公之北

征三郡烏桓五月至無中七月大水傍海道不通田疇請為隣

導公從之引軍出虜農寒寒外道絕不通乃墜山煙谷五百余

里經白檀立平剛涉宣旱庭東指柳城未至二百里虜乃知之

尚熙與蹋頓遼西單于樓班左北平單于能臣抵之等將數萬

騎送軍八月登白狼山卒與虜遇衆甚盛平車重在後被甲者

少左右皆惧公登高望虜軍不整乃縱兵擊之使張遼先鋒虜

象大潰斬蹋頓各名以下胡漢降者二十余萬口遼東單于速

僕丸及遼西北平諸豪弃其種人與尚熙奔遼東衆尚有數千

騎二十三年四月伐郡上谷烏桓無臣氏等叛魏王曹公遣鄢

陵侯張討之破

魏文帝皇初二年十一月鎮西將軍曹真將及州郡兵討破
叛胡治元多廬水封賞等斬首五萬余級獲生口十萬羊一百
一十一萬口牛八萬河西遂平

六年三月并州刺史梁習討鮮卑軻比能大破之

明帝青龍元年六月保塞鮮卑大人步度根與叛鮮卑大人軻
比通私通并州刺史畢軌表輒出軍以外威比能內鎮步度根
帝省表曰步度根以為比能所誘有自疑心今軌出軍適使二
部驚合為一何所威鎮呼促勅軌以出軍者慎勿越塞過句注
也北詔書到軌以進軍屯陰館遣將軍蘇尚董弼追鮮軍比能
遣子將千余騎迎步度根部落與尚相遇戰於樓凡二將沒步
度根部落皆朔出塞與比能合寇邊帝遣驍騎將軍秦郎將中

軍討之虜乃走漠北比能將其部眾降

是後帝乃聽王雄遣鄒

互相侵伐強者遠稍弱者諸民由是陶蓋安

漠南少事雖時頗鈔道不能復相扇動矣

景初元年秋遣幽州刺史無丘險率眾軍討遼東右北平烏丸
單于寇婁敦遼西烏丸都督率眾王獲雷等皆隨表尚奔遼東
間險軍至率眾五十余人寇婁敦遣弟阿羅槃等詣闕朝貢封
其渠師三十余人為王侯

齊王正使七年二月幽州刺史毌丘兵遣討高句麗五月討濊貊
皆破之韓郡奚等數十國各率眾落降

八月隴西南安金城西平諸羌餓阿燒戈伐同蛾遮寒等相結
叛亂攻圍城邑南招蜀兵京州名胡治無載復叛應之討蜀護
軍夏侯霸諸軍屯為羽時雍州刺史淮軍始到狄道議者僉謂

軍先討定抱罕內平惡羗外折賊謀淮策蜀將姜維必來攻霸
遂入泅中轉南迎霸維東攻為趙會淮軍適至維遁退進討叛
羗斬餓死何燒戈降服者萬余落九年遮寒等屯河關北土故
城據河拒軍淮見形上流審於下渡兵據北土城擊大破之治
無戴圍武威家屬番在西海淮進軍越西海欲掩取其累衆會
無戴折與戰於龍夷之北破走之令居惡虜在石頭山之西當
大道正斷絕王使淮還過討大破之

監本冊府元龜卷之九百八十三

監本冊府元龜卷之九百八十四

外臣部二十九

征討第三

蜀後王建興三年三月丞相諸葛亮率衆南征越嶲夷王高定
遂至於滇池南中皆即其渠率而用之

八月丞相叅軍領益州治中從事馬忠督將軍張疑等討汶山
郡叛羗山疑別督數營在先至佗里邑所在高峻疑隨山立上
四五里羗於要危作石門上施枋積石于其上過者下石槌擊
之無不靡爛疑度不可得攻乃復譯先曉之日汝汶山諸種反
叛傷害良善天子命將討滅惡類汝等若稽顙過軍資給糧費
福祿永隆其報百倍若終不從大兵致誅雷擊電下雖追之亦

無益也者師得命即出詣嶷給糧過軍前討餘種聞佗里已下
恐怖失所或迎軍出降或兵竄山谷放兵攻擊以免克捷
十一年南夷豪師劉胄反攬亂諸郡以馬忠為來降都督討之
忠遂斬胄平南土

延熙三年春使雋越太守張嶷平定越雋郡初起雋自丞相諸
葛亮討高定之後叟夷數番殺太守龔祿譙橫是後太守不敢
之郡只住安定縣去郡八百里其郡徒有名而已時論欲復舊
郡除嶷為越雋太守嶷將所領往之郡誘以恩信蠻夷皆服頗
來降附北徼捉馬聚驍勁不丞節度嶷乃往討生縛其師魏狼
又解縱吉喻使招懷余類諸種聞之多漸降服斯都者師李求
丞昔手殺龔祿嶷求募捕得數其宿惡而誅之

十年汶山平康夷反衛將軍姜維討破平之

吳大帝黃龍三年二月遣太常潘濬率眾五萬討武陵蠻夷加

和三年濬平之

又云濬延大常五奚蠻夷叛亂假節督諸軍討之自是郡蠻衰弱一方寧靜

赤烏二年十月將軍薛秘南討夷賊

晉武帝泰始六年六月秦州刺史胡烈擊破虜戰死之詔遣尚
書石鑿行安西將軍都督秦州諸軍事與奮威護軍田章討之
七年匈奴單于猛叛屯孔邪城帝遣婁侯何植持節討之植素
志畧以猛眾凶悍非少兵所置及潛誘猛左部督李格殺猛於
是匈奴震服積年不敢復反

十年八月涼州虜寇金城諸郡鎮西將軍汝陰王駿討之斬其
帥乞文泥等

咸寧元年六月戊己校尉馬楯諸叛鮮軍破之斬其渠師

二年二月并州虜犯塞監并州諸軍事胡虜擊破之

五月鎮西大將軍汝陰王駿討北胡斬其渠師吐敦

七月鮮卑阿羅多等寇邊西域戊己校尉馬楯討之斬首四千

余級護生口九千余人來降

三年正月使征北大將軍衛權討鮮卑破之三月平虜護軍文

淑討叛虜樹機能破之

五年正月虜師樹機能攻漢凉州使討虜護軍武隆太守馬隆

擊之十二月大破斬之凉州平

穆帝永和五年四月征南大將軍桓温遣督護滕駿率交廣之

兵伐林邑國王范文於虜容為四年文寇九真也

九年三月交州刺史阮敷討林邑范佛於日南破其五千余壘

范佛文之子嗣其父位

升平三年十二月交州刺史温放之帥兵討林邑參黎眺潦並

降之一云廣州刺史滕舍伐林邑范佛請降與盟而退

宋高祖永初元年交州刺史輔國將軍杜慧度率文武萬人南

討林邑所殺過半前後被抄畧悉得還本林邑乞降輸生口大

象金銀古直等乃釋之遣長江悠奉表獻捷

文帝元加十九年正月龍驤將軍裴方明等伐

二十三年六月交州刺史擅和之伐林邑尅之初帝以林邑重

貢奉而寇盜不已所貢亦陋薄忿其違傲使和之及振武將軍

宗慤伐之和之司馬蕭景猷為前鋒向區粟城其王陽邁遣大

帥范扶龍戍區粟城景猷攻城尅之斬扶龍獲金銀雜物不可勝計追討即尅林邑陽邁父子并挺身奔逃凡所獲珍異皆未明之寶

孝武帝大明四年十月遣司空沈慶之討沿江蠻

南齊太祖建元元年南襄城秦蠻遠寇潼陽北上黃蠻文勉德寇汶陽荊州刺史豫章王遣中兵參將劉休緒領十人討勉德至當陽降之

武帝永明十年武都王楊集始反率抵蜀雜衆寇漢川梁州刺史陰智伯遣軍王寧朔將軍桓盧奴良季郡宋王士隆等千餘人拒之不利退保白馬賊衆萬餘人縱兵火攻其城柵怒盧拒守死戰智伯又遣軍王陰中昌等馬步數餘人救援至白馬城

城東千谿橋相數去里集始等悉立攻之官軍內外奮擊集始大敗十八營一時潰走殺獲數千人集始奔入虜界

後衛道武天興元年七月漁陽烏丸庫偃官輜聚黨為寇詔寇軍將軍王建討平之

二年三月丙子遣建議將軍唐真越騎校尉奚斤討庫狄部

葉亦干宥連部帥竇羽泥於大渾川破之庫狄勤之子沓亦干率其部落內附真等進破侯莫陳部獲馬牛羊十萬騎頭追殄遺迹逆入大峨谷

四年十二月辛亥詔征西大將軍常山王遵等率衆五萬討破多蘭部本易千材官將軍知突率騎六千襲黠弗素古延等諸

六年十月丁巳詔將軍伊謂率騎二萬北襲高車十一月大破之

明元永興二年正月詔南平公長孫嵩等北伐蠕蠕為元年冬犯寒五月

間帝親征乃遁走

五年四月車駕西巡詔在丞相奚斤為先馳討越勤部作勤一於

鹿那山大破之獲馬五萬匹牛羊二十萬頭徙二萬余家而還

秦常元年十月徒何部落庫偃官斌元降後復叛歸北燕馮跋

驍騎將軍延普度濡水討擊斬斌大破之及護馮跋幽州刺史

漁陽公庫偃官昌征北將軍閔內侯庫偃內提等首生擒庫偃

官女生縛送京師幽州正

三年正月詔護高車中郎將薛繁率高車丁零十二部大人衆

北畧出弱水降者二千余人獲牛馬二萬余頭

大武始光元年八月蠕蠕率六萬騎入雲中殺掠吏民攻陷盛

樂宮赭陽子尉普文率輕騎討之虜乃退走詔安集將軍平陽

王長孫翰率北部諸將尉眷自參合以北極大壇北師阿伏干

於祚山斬首數千級獲馬萬余匹十二月遣平陽王長孫翰等

討蠕蠕車駕以祚山蠕蠕北遁走官軍追之大獲而還

神龜元年閏十月定州丁寧鮮于臺陽翟喬等二十余家叛入

西山劫掠郡縣州軍討之失利詔鎮南將軍壽光侯叔孫建擊

之

二年八月帝以東部高車屯以尼波詔左僕射安原率騎萬余

討之

三年四月勅勦萬余落叛走詔尚書封鐵追滅之

延和三年三月金當川率其眾圍西川侯彭文暉於陰密詔征

西大將軍常山王素討獲當川斬之于長安以徇

七月命諸將討山胡白龍于西河九月戊子尅之斬白龍及其

將帥屠其城

大延二年五月仇池氏楊難當竊據上邽七月唐戊詔驃騎大

將軍樂平王丕等督河西高平諸軍討之九月以難當攝上邽守

三年七月使撫軍大將軍永昌王健司空上黨王長孫道生討

山明白龍余黨於河西滅之

太平真君六年八月征西大將軍高梁王那等討吐谷渾慕利

延軍到曼頭城慕利延區其部落西渡流沙那急追故西秦王

慕世子被囊破之中山公杜豐追度三危至雪山擒被囊及慕

利延元子什歸熾盤子成龍送于京師慕利延遂西入于闐國

九年九月成周公萬度千里驛上大破焉其國者汪鴻尸卑郡

奔龜茲

十二月詔成周公萬度歸自焉耆西討龜茲

文成大安二年二月丁零數千家亡匿忙山聚為寇盜詔定州

刺史許宗之并州刺史乞佛成龍討平之

八月平西將軍漁陽公尉眷北擊伊吾尅其城大獲而還

和平元年二月尉將軍樂安王良督東雍吐京六壁諸軍西趣

河征西將軍皮豹子等督河西諸軍南趣石樓以討河西叛胡

六月甲午詔西將軍平陽王西城等督統萬高平諸軍出南道

南郡公李惠等督源州諸軍出百道吐谷渾什寅八月西征諸軍出西平什寅走保南山九月諸軍濟河追之遇瘴氣多多有病乃引軍獲畜二十余萬

三年六月諸將軍陸真討雍州叛民仇褥擅大破之

五年七月北鎮游軍大破蠕

猓六皇興四年二月吐谷渾什寅不供職貢詔使持節征西大將軍尚黨王長孫觀討之軍至慢頭山大破什寅什寅與麾下數百騎霄遁什寅徙第豆物來及其渠師匹婁板類等率所領降附

孝文延興元年十月沃野統萬二鎮勅勤叛詔太尉隴西王元賀追給至抱罕滅之斬首三萬余級徙遺并於冀定相三州為

營戶

三年正月統萬鎮胡民相率北叛詔寧南將軍交趾公韋拔等追滅之

三年四月詔假司空上黨王長孫觀等討吐谷渾什寅

十月武都王反攻仇池詔長孫觀回師討之

大和九年十二月蠕蠕又犯塞詔任城王澄率衆討之

十四年地豆干頻犯塞征西大將軍陽平王頤擊走之

十六年八月詔陽平王頤左僕射陸叡督十二將七萬騎北討

蠕

二十年閏十一月右將軍元隆大破汾州叛胡

二十二年八月勅勤樹者相率反叛詔平北將軍江陽王繼都

督北討諸將軍事以討之

宣武景明三年三月魯陽蠻反詔撫軍將軍李崇討之

四年十二月詔鎮南李崇討東京反蠻明年崇大破諸蠻帥樊素安

正始二年十一月武興國王楊紹先叔父集起謀反詔光祿大

夫楊椿討之十二月又詔驃騎大將軍源懷慎令討武興反氏

三年正月梁秦二州刺史刑蠻連破氏賊尅武興是日楊集起兄弟相率降

永平三年二月秦州隴西羌殺鎮將趙雋阻兵反叛判州軍討

平之孝明延昌四年正月即位四月梁州刺史薛懷古破氏於

沮水五月南秦州刺史崔暹擊破氏賊解武興圍

正光四年二月蠕又主阿郡還遂衆犯塞遣尚書左丞元孚持

節諭之呵那懷執孚驅掠畜收北道遁詔驃騎大將軍尚書令

李崇中將軍兼尚書左僕射元纂率騎十萬討蠕又出塞三千

余里不及而還

五年十二月汾州正平陽山胡叛逆詔復征東將軍章武王融

封爵為大都督率衆討之

孝昌元年十二月以臨淮王或為征南大將軍率衆討魯陽蠻

三年三月西部勅勤斛律落陽反於桑乾西收子通連別將武

爾朱榮擊之破

正月以安西將軍光祿大夫宗正珍孫為都督汾州反胡

出帝永熙三年正月天柱將軍高歡討費也頭於河西若若洩

河入破之獲其帥訖頭陵伊利還其郡落於內也

二月東梁為民夷侵逼詔使持節車騎大將軍行東雍州事泉
企為東梁州行臺都督以討之

西魏文帝大統七年三月襲胡帥夏州刺史劉平伏據上郡叛
遣開府于謹討平之

恭帝元年四月茹茹已旃達官寇廣武遣柱國趙貴追擊之斬
首數千級收其輜種而還十一月柱國于謹既平江陵朱蠻騷
動詔豆盧寧蔡祐討破之

東魏孝靜天平二年正月齊神武為大丞相柱國大將軍襲擊
中山胡劉蠡升大破之三月神武欲以女妻蠡升太子侯其不
設備乃潛師襲之其北部王斬蠡升首於送其衆復立其子南
海神武進擊之又獲南海王及其弟西海王北海王皇后公卿

已下四百餘人胡魏五十戶

十一月齊神武討山胡叛平之俘獲一萬余戶口分配諸州

北齊文宣天保三年正月帝親討庫莫奚於大郡大破之獲雜
畜十萬余分賚將士各有羗以奚口什山東為民

四年九月契丹范塞地北巡冀定幽安仍北討十月丁酉帝至
平州遂從西道輒長塹詔司徒潘相樂精騎五千自東道輒青
山辛丑白狼城壬寅終昌黎城復詔安德王韓軌率精騎四千
東輒斷契丹走路癸丑至楊師水陪道兼行掩襲契丹甲辰帝
親踰山嶺為士卒先指麾奪擊大破之虜獲十萬余口雜畜數
十萬頭樂又於一山大破契丹別部所虜生口皆分置諸州

十二月突厥攻茹茹舉國南奔帝自普北討突厥迎納茹茹乃

其主庫提立阿那壞子菴羅辰為主置之馬邑川給其廩餼
繒北親退突厥於朔州突厥請降許之而還於是貢獻相繼之
五年正月帝討山胡從離石道遣大師咸陽王斛律金從顯州
道帝山從晉州道倚角夾攻大破之斬首數萬獲雜畜十餘萬
遂平石樓石樓絕險自魏世所不能至於是遠近山胡莫不懾
服

三月茹茹蕃羅辰叛帝親討大破之辰父子北遁

四月茹茹寇肆州帝自晉陽討之至常州黃瓜堆虜騎走特大
軍已還帝率麾下千有餘騎過茹茹別部數萬回面圍逼帝神
色自若指畫形勢虜衆披靡自遂縱兵潰圍而出虜乃退走追
擊之伏尸二十里獲菴羅辰妻子及生口三萬餘人

五月北討茹茹大破之

六月茹茹率部衆東徙將南侵帝率輕騎於金山下邀激之茹
茹聞而遠遁

六年六月親討茹茹諸軍大會於祁連池七月己卯帝頓白道
留輜重親率輕騎五千追茹茹壬午及於懷朔鎮帝躬當矢石
頻大破之遂至沃野獲利藹然力婁阿常吐頭發郁久閭頭延
等并口二萬餘牛羊數十萬頭茹茹侯到郁久閭里提率部人
數百降

孝昭皇建元年十一月親戎北討庫奚長城處奔遁分兵致討
大護牛馬括聰入晉陽宮武成河清三年四月衛將軍斛見光
率騎北討突厥獲馬牛余匹

後周武帝天和元年九月信州蠻冉令賢向五子王反詔開府
陸騰討平之先是邑西人譙淹扇動郡蠻以附于梁蠻師向鎮
侯白虎等應之尋而冉令賢向五子王又攻陷白帝殺開府楊
長華遂相率作亂前後遣開府元契趙剛等總兵出討雖破剪
其族類而元惡未降至是詔騰督王亮司馬裔等討之騰水陸
俱進次於湯口先遣諭之而今賢方增浚城池嚴設捍禦遣其
子西黎次子南王領其支屬江南險要之地置立十城遠結涔
陽蠻為其聲援令賢率其精卒固守水邏城騰乃摠集將帥謀
其進趣咸欲先取水邏然後經落江南騰言於眾曰今賢內侍
水邏金湯之險外託涔陽輔車之援兼腹資糧充實器械精新
以我懸軍攻其巖壘脫一戰不克更成其噐不如頓軍湯口先

取江南剪其羽毛然後旋軍水邏此制勝力計也眾皆然後乃
遣開府王亮率眾渡江旬日攻拔其八城凶膽并散護賊師冉
承公并生口三千人降其部眾一千戶遂簡募驍數道入攻水
邏路經石壁城此城峻險回面力故以名焉唯有一小路緣梯
而上蠻蚤以為峭絕非兵眾所行騰甲先被升眾軍繼進備軍
危險累日乃得舊路且騰先任隆州摠管雅知蠻帥冉伯黎冉
安西與令賢有遠騰乃招誘伯黎等結為父子反多遺其金帛
伯黎等悅遂為鄉導水邏側又有石騰城者亦是險要令賢使
其兄子龍真據之騰又蜜有龍真云若平水邏使其代令賢處
龍真大悅蜜遺其子詣騰騰乃後加禮接賜以金帛蠻貪利既
深乃請立效乃謂騰曰欲翻所據誠恐力豪少騰許以三百兵

助之既而遣二千人御校夜進龍真力不能禦遂平石騰城晨
至水邏蠻衆大潰斬首萬余級虜或一萬口令賢遁走追而獲
之并其子弟皆斬之司馬裔又別下其二十余城獲蠻師冉
三公等騰乃積其骸骨於水邏城側為京觀後蠻望見輒大
蹶自此狼戾之心輟矣

六年四月信州蠻梁冉祖善冉龍驤舉兵反遣大將軍趙閻率
帥討平之

建德五年二月詔皇太子巡西土因討吐谷渾

六年十一月稽胡及遺齊王憲率軍討平之初五年帝敗齊師
於晉州乘勝逐北齊人所棄甲杖未暇收歛稽胡乘間釋出盜
而有之乃立劉蠡升孫沒鐸為主號聖武皇帝年日石平時帝

定東夏討之誼欲其窮巢穴齊王以為種類既多又山谷阻絕
王師一齊未可盡除且當剪其魁首余加尉撫帝之然乃以憲
為行軍元帥督行軍摠管招王招譙王儉勝王適等討之憲軍
軍次馬邑乃分道俱進沒澤遣其大帥穆支據河西規欲分守
險要騎角憲軍憲命譙王儉攻天柱勝王適擊穆支并破之斬首萬
余級趙王招又擒沒澤余衆盡降

宣帝宣政元年九月汾州稽胡帥劉受邏千舉兵反詔上柱國
越王咸為八軍為帥率衆討之

隋高祖開皇元年八月甲午遣行軍元帥樂安公元諧擊吐谷
渾於青海破而降之

一年四月大將軍韓僧壽破突厥於奚頭山上柱國李充破突

厥於河北上

六月李克破突厥於馬邑

十一月突厥沙鉢悉衆於寇縱兵自木峽石門兩道來寇武威
天水安定金城上郡引化延安六畜咸進帝靈怒下詔曰往者
魏道衰弊禍難相尋周齊抗衡分割諸下突厥之虜俱通二國
周人東慮恐齊好之深齊氏西虞懼周交之厚謂虜意輕重國
遂安危非徒并有大敗之夏思咸一邊之防竭生民之力供其
來往傾府君之財弃於沙漠華夏之地實為勞擾猶復劫剝烽
殺害吏民無歲月而不有也惡積禍盈非止今日朕命天明命
子有萬方愍臣下之勞除已往之弊以為厚欽兆庶多惠豺狼
未常咸恩資而為賊違天池之意非帝王之道節之以禮不為

虛費省滛薄賊國用有余因入國之物加賜將士息道路之民
務非耕織清邊制勝成策在心凶醜愚暗未知深旨將大定之
日北戰國之時乘昔世之交結今時之恨近者盡其巢穴俱犯
北邊朕分置軍旅所在邀截望其深入一舉滅之而遠鎮徧師
逢而催剪未及南上遽已奔北應弦染鐔過半不歸且彼渠師
帥其數九五昆季爭長父叔相猜外示彌縫內垂心腹世行暴
雷家法殘忍東夷諸國尺挾私讐西戎郡長皆有宿怨突厥之
北契丹之徒切齒磨牙常伺其便達頭前攻酒泉其後于闐波
斯挹怛三國一時即叛沙鉢畧近趣州槩其部內薄孤束紇支
尋亦翻動往年利嵇察大為高麗靺鞨所破娑毗設又為紇支
可汗所殺與其為隣皆願誅勦部落之下畫意純民千鍾萬類

仇敵願偶泣血拊心御悲積恨圓手方足皆人類也有一於此
更切朕懷彼他救微祇作年將一紀乃馱為人語人作神言云
其國亡訖而不見每冬震觸地火主種類資給惟積水單去歲
四時竟無雨雪川枯蝗暴舟木燒盡飢沒死亡人畜相伴舊居
之所赤地無依遷徙漠南偷存刻斯蓋上天所忿駭就齊斧豳
冥合契今也其時故選將至兵羸糧最甲義士奮發壯夫肆憤
願取明王之首思達單于之背雲歸霧集不可數也東極滄海
西盡流沙縱北勝之兵橫萬里之衆亘朔野而追設望天涯而
一掃此則王恢所說其由射鷹何敵能當何遠不服但皇王舊
迹北齒都荒遐之表文斬所弃得其地不可而車得其民不忍
皆殺無勞兵革遠規涇海諸將令行義廉含育有余者納有違
者死異域方被其擁抑放聽復舊廣闕邊境嚴治閑塞使其不
敢南望永服威刑卧鼓息烽斃勞終逸制禦夷義在斯平何用
侍子之朝寧勞渭橋之拜普告海內知朕意焉於是以何間王
引上柱國豆盧勣竇榮定左僕射高穎右僕射虞慶則並為元
帥出擊之沙鉢畧率阿波貪汗二可等來拒戰皆敗走遁去時
虜飢甚不能得食於是粉骨為糧又多灾死者極衆三年四月
衡王爽破突厥於白道

五月癸卯行軍總管李晃破突厥於波那度口壬戌行軍先師
竇榮定破突厥及吐谷渾於涼州

六月行軍總管梁遠破吐谷渾於爾汗山斬其名王

八月遣尚書左僕射高穎出寧州道內史監虞慶則出原州道

並為八軍元帥以擊胡

十七年二月太平公史萬歲擊西寧羗平之

十八年二月以漢王諒為行軍元帥率水路三十萬伐高句麗
九月遇疫而還

是年突厥雍虞閭數為邊患詔蜀王秀出靈州道以擊之

十九年四月達頭可汗犯塞遣八軍摠管萬歲史擊之破是年
遣漢王諒為元帥左僕射高頻率將軍王咎上柱國趙仲卿並
出朔州道右僕射楊素率國李徹韓僧壽出靈州柱國燕榮出
幽州以擊突厥是時啟民可漢歸朝乃於朔築大利城以居之
雍虞閭以擊之帝復令入塞雍虞閭侵掠不已遂遷於河南在
夏勝二州之間發役拙塹數百里東西拒河盡為啟民畜牧之

地於是遣越國公楊素出靈州行軍摠管韓僧壽出慶州太平
公史萬歲出燕州大將軍姚辨出河州以擊都藍師未出塞而
都藍為其麾下所殺達頭自立為步迦可汗其國大破遣太平
公史萬歲出朔州以擊之遇達頭於大斤山虜不戰而遁追斬
首虜二十余人

二十年四月突厥犯塞以晉王煬帝也為八軍元帥擊破之

仁壽元年正月突厥寇常安遣柱國韓洪擊破之洪復為虜所
敗於常安廢為庶人詔楊素為云州道行軍元帥率啟民可汗
北征斛薛薛等諸姓初附於啟民至是而叛素軍河北值突厥
阿物思力俟斤等南度掠啟民男女六千口新畜二十余萬而
云素上天將軍梁默輕騎追之轉戰六千余里大破俟斤悉得

八畜以歸啟民素又遣柱國張定和領軍大將軍劉昇別路邀擊並多斬獲而亡兵既定河賦復掠啟民部落素率驃騎范貴於窟結谷東南奮復破之追奔八十余里

煬帝大業元年四月大將軍劉軍劉萬擊林邑破之初高祖時天下無事群臣言林邑多奇寶者仁壽末遣方為驩州道行軍摠管率欽州刺史寧長真驩州刺史李輝開府秦雄步騎萬余及犯罪者數千人擊之其王梵志率其徒乘巨象而戰方軍不利於是多掘小坑草腹其上因以兵挑之梵志悉衆而陣亡與戰為比梵志逐之志抗所其衆多陷轉相驚駭軍遂亂方縱兵擊之大破之頓戰輒敗遂弃城而走方入其都獲其廟主十八枚皆鑄金為之蓋其有國十八業矣方班師梵志復其故地遣使謝罪於是朝貢不絕

四年七月左翊衛大將軍宇文述破吐渾於曼頭赤水

五年五月吐谷渾主保覆袁州詔左屯衛大將軍張定和往捕之定和挺身挑戰為賊所殺亞將柳武建擊破之斬首數百級六年二月武賁即將陳稜朝散大夫張鎮州擊流求破之敵俘萬七千口頒賜百官

七年二月詔以高麗高元歃失藩禮將欲罪遼左

事具帝王親征

皇本冊府元龜卷之九百八十四

監本冊府元龜卷之九百八十五

外臣部 三十

征討第四

唐高祖武德三年九月遣長平王叔良討叛胡平之

四年九月突厥寇并州遣左屯衛大將軍竇琮左武侯大將軍桑里和率師以禦之又月又寇涼州遣行軍總管尉敬德大子內率上官懷仁擊之是月靈州總管楊師道擊突厥大破之斬首三百余級獲馬一千余匹

十一月林州總管劉旻擊叛胡劉企成大破之斬首二百級企成僅以身免其部落皆降五年八月突厥寇邊九月交州刺史確士通引州總管宇文歆靈州總管楊師道擊突厥於三觀山

破之獲馳馬數千匹是月宇文歆復擊突厥於崇崗鎮大破之
斬首千余級定州司馬者文博驃騎魏道仁擊突厥於常山陽
斬首數百級領軍將軍安興貴擊突厥於甘州大破之

是年并州大摠管襄邑王神符擊突厥於汾東斬首五百級虜
其馬二千匹汾州刺史蕭顛斬突厥五千余級

七年正月始州反遼舉兵遣行臺僕射竇射討之

四月通事舍人李鳳起擊萬州并反僚平之五月吐谷渾寇松
州遣益州行臺右僕射豆軌自翼州道扶州刺史蔣善合自芳
州道擊之是月竇軌擊反獠於方山俘二萬余口

六月隴州扶州獠作亂遣南尹都督李光度擊平之

七月突厥寇源州遣寧州刺史鹿大帥援之遣靈州都督楊帥
道趨大木根山邀其歸路是月又寇隴州遣獲軍衛遲敬德擊
之

八年七月叛胡睦伽施攻武興八月左武侯將軍安修仁擊於
且渠川破之

九年二月突厥寇原州遣折威將軍楊毛擊之

三月益州行臺尚書敦行方擊眉州叛獠之衆大破之進擊於
洪雅二州俘男女五千口太宗以武德九年八月即位是月突
厥頡利寇高陵行軍摠管尉遲敬德與戰於涇大破之獲其侯
斤阿史德烏沒毀斬首千余級

是月請和許之

貞觀二年正月吐谷渾寇岷川都督李道彥擊走之執其名
工一人俘斬七百余級

二年十一月以行并州都督李勣為通漢道行軍總管兵部尚書李靖為定襄道行軍總管華州刺史柴紹為金河道行軍總管靈州大都督任城王道宗為大同道行軍總管檢校幽州都督衛李節為常安道行軍總管兼管州都督薛萬徹為暢武道行軍總管分道出師以擊突厥是月任城王道宗擊突厥於靈州破之俘男女數百口雜畜萬余計十二月突利可汗及都射設蔭七素時勤并并師所

部奔

四年正月李靖七惡易嶺夜襲定襄頡利驚擾因徒牙於磧口胡酋康蘇密等遂以隋肅后及楊正道來降

二月李靖次陰山擊頡利大破之滅其國復定襄常懷之地斥土界于漠頡利計兵數于鐵山兵尚數萬使執失思力入朝謝

罪請舉國內附帝遣鴻臚卿唐儉將軍安修仁持節安撫之頡利稍自安靜乘間襲大破之逐滅其國頡利乘千里馬獨騎奔于從姪沙鉢羅部落

三月大通道行軍副總管張寶相率眾菴至沙鉢羅營生擒頡利送于京師是月突厥思結部侯斤率眾四萬來降

四月李靖歃頡利可汗帝御順天樓盛陳文物士庶縱觀歸正有司帝數之日汝父起明之破也足馬歸隋境不能效一鏃之力汝次兄坐享富貴恣情暴害酒色是耽至今父祖不獲血食爾罪一也與我隣國侵我邊疆失信忘義惟利是視爾罪二也恃兵馬之盛數興戎旋部落怨嗟僵死徧路爾罪三也侵掠我下女殘暴我禾稼焚燒我村塢賊亂我華民爾罪四也我忘爾

伯思憫爾同盟許爾和親復爾宗國遷延不來至於逃罪爾罪五也爾有死罪五焉今不殺爾者徒以謂水結盟以來更不南寇頡利歡叫而退

七年八月以右屯衛大將軍張仕貴為襲州道行軍總管以擊獠

八年正月張仕貴討東西王洞歹獠平之十月左驍騎大將軍段志玄擊吐谷渾破之追奔八百余里

十一月吐谷渾拘行人趙德楷詔曰朕嗣纂洪業思恢至道端拱垂衣於茲九載式修文德寧謐區宇徼外君長海表酋渠無遠不庭無思不服而吐谷渾蕞爾小蕃負固何右地不越千里衆不盈一方不量其力不恤其人肆情拒命抗衡上國朕每遣

行人入蕃曉諭并其使者臨軒戒最示以善道勸以和親以使境上無虞各安其業訓導積年凶頑未改剽掠邊鄙略無寧息今上書傲狼拘我使人內外百寮華夷兆庶同心憤怨咸願誅討宜乘吊伐之機以展鷹鷂之志長兵指期窮其巢穴罪止吐谷渾可汗昏耄之主天柱王一二邾臣自余部皆無所問夷凶息暴稱朕意焉

十二月以特進李靖為西海道大行軍大總管節度諸侯兵部尚書侯軍積為集石道行軍總管刑部尚書任城王道宗為鄴道行軍總管仍並為端靖副涼州都督李大亮為且末道行而軍總管岷州都督膠州郡公李道彥為赤水行軍總管利州刺史高甌生為鹽澤道行軍總管九年正月亮項羗先內屬者皆

反歸吐谷渾三月高甌生擊之

閏四月任城王道宗擊吐谷渾於庫山破之俘四百余人李靖部將薛孤吳兒以輕銳破之於曼頭山斬其名王俘五百余人大獲六畜以充軍糧李靖侯君集任城王道宗等又破于牛心堆又破於赤水源獲雜畜數萬計五月乙未侯君集任城王道宗追吐谷渾主及於烏海擊大破之薛萬鈞又破天柱王於赤海獲其雜畜二十萬計追至河源李大亮俘其名王二十人雜畜五萬騎是月李靖平吐暉國於西海之上初三師以三月次于鄯州靖與諸將會議侯君集曰大軍已至賊徒尚未走險宜間精銳長駟疾進掩其不虞可有大利此破竹之勢也若此策不行潛遁必遠山障為阻窮討則難靖從之乃簡練士馬輕賫

深入及庫山之捷可汗謀將入磧以避官庫道宗復曰拍海近河源古來罕有志者賊既西走未知的處今遐之行實資馬力今馬疲糧少遠入為難未若且向鄯州待馬肥之後更圖進趣君集曰不然遐志玄曩者紀至鄯州賊衆到城下良由被國尚完凶徒用命令者亦以敗以後斤侯亦絕君臣相失父子相携離乘其迫懼取同俯捨北海雖遙更可鼓行而至也靖又然之於是衆分士馬以為兩道靖與薛萬鈞李大亮等趣北路出曼頭山逾赤水涉清海歷河源且未窮其西境君集與道宗趣南路經途二千余里行空虛之地盛夏降霜多積雪山中有障氣歷破羅真谷其地無水將士食水馬皆飲雪又行月余日至星宿川達于柏海兩君所至皆大尅將軍執失思力又馳數百里

別破虜於車茄川旋李靖會於大非川可汗長子大寧王頤窮蹙計無所出乃斬其國相天柱王舉國來降可汗大懼與千余騎遁于磧中衆消亡散能屬之者纔百騎千余日竟為其左右所殺七月鹽澤道行軍副摠管劉德敬擊叛羗破之

十二年八月吐蕃寇松州都督韓威戰敗闕州刺史別叢卧師諾州刺史杞利步利者羗首也並以州叛附于吐蕃以吏部尚書君集為當彌道行軍摠管右率領軍大將執失思力為白蘭道行軍摠管左武衛將軍牛進達為濶水道行軍摠管右領軍將軍劉簡為兆源道行軍摠管督步騎五萬以擊之

九月行軍摠管牛進達及吐蕃戰於松州前後斬首千余級十月鈞州山獠舉兵及遣桂州都督張寶德討平之

十一月明州山獠舉兵反遣交州都督李道彥討平之

十二月右武侯將軍上官懷仁擊山獠於壁州大破之虜男女萬余口

十三年四月上官懷仁九巴壁洋集四州獠反平之虜男女六萬余口

十二月詔曰明罰勅法聖人垂徵惡之道命將出軍王者成定亂之德故三苗負故虞帝所以興師鬼方不恭殷宗所以薄伐朕嗣膺景命君臨區夏弘大道於西海推至誠於萬類憑宗社之雲籍股肱之力億兆獲乂尉侯無虞建木棘林山經靡記之域函都大夏王會不書之君莫不革面內欵屈膝請更襲冠帶魏闕君征賦於葦讓而高昌趨文泰猶為不軌敢興異圖事

無忠款之節禦下逞殘忍之志徃經朝謁備加恩禮溪壑難
蒲會無報効禽獸為心遽懷凶狡詔命之嚴稟承之誠既闕王
人之重祗敬之節亦虧自隋季消天子淪喪衣冠之族壇場之
人或寄命諸戎或見拘寇手及中州既定皇風遠肅人懷首丘
途經彼境皆因囚繫加之重役忍若遐外控告無所又伊吾之
右波期以東職貢不絕高侶相寄琛書遭其寇數道路由其擁
塞又西蕃突厥戰爭已久朕愍其亂離志務要安輯乃立啞利
始可汗兄弟庶令克復舊土文泰反道敗德幸灾好禍間謀首
豪交亂種落遂使毡裘之長亟動干戈引弓之人重罹塗炭又
焉耆之地與之隣文泰即其畫節輕肆凶威城池有滅亡之憂
士女嬰却掠之酷加以雪用其衆毒被所部賞罰無章內外嗟
怨繕造宮室勞役日興修營輦僭侈無度法令深刻賦歛煩重
舉手動足咸繼網羅畜收果園悉有征稅衆力既盡人財已竭
飢寒總至憤興盈途比屋連甍不勝苛政胡老兒童思霑王澤
朕命上玄為人父母禁暴之道無隔內外納隍之內切與興寢
錄其舊疑仍懷念愍所以頻遣使乎具申朝旨最以為善之視
示以自新之路庶知感悟無煩師旅而昏迷遂性悅愜不悛貫
盈之豐既念天王之期以及况復文武具遼戎狄君長請事及
者相屬懷逐雀者比肩宜順夷下之心以申弔伐之典罰凶渠
之多罪極無辜之倒懸今遣交河行軍大總管吏部尚書侯君
集副總管兼屯衛大將軍薛萬鈞副總管左屯衛將軍薛孤吳
元行軍總管武衛將軍牛進達等董率衆軍弘宣廟畧乘驛進

谷同會虜庭莫不氣奪風雲精貫日月援桴懷貫跋距爭先良將奮建銳之威銳卒效貔貅之勇莫為燕犀猶迅雷之震擊雲梯地道若至神之變化以此制敵事等摧枯以此屠城易于反掌然朕矜哀之心有懷去殺勝殘之道無忘好生若文泰面縛軍門泥首請罪特弘焚視之澤全其將盡之命自余臣庶棄惡歸城并加撫尉令各案堵示以逆順之理布慈寬大之德如其同惡相濟敢拒王師便盡大兵之勢以致上天之罰明加曉諭稱朕意焉

十四年三月竇州道行軍總管党仁引擊羅實反獠破之俘七千余口

八月交河道行軍總管侯君集擊高昌破之初其王并文泰時過西域商價太宗徵文泰入朝而稱疾不至乃詔諸君集討之文泰聞王師將起謂人國人曰唐國去此七十里以磧濶二千里地無水旱冬風凍寒夏風如焚風之所吹行人多死常行百入不能得至安能至大軍乎欲頓兵於吾城下二十日食必盡自然魚潰乃接而虜之何足憂也及軍至磧口而文泰卒其子智盛襲位君集卒兵至柳谷侯騎言文泰尅日將葬國人咸集諸將請襲之君集曰不可天子以高昌驕慢無禮使無襲行城罰今襲人於戲墓之間非問罪之師也於鼓行而前攻其地天賊嬰城自守君集諭之不行先是大將之發也帝詔山東善為攻城器械中悉遣從軍君集遂刊木填隍推撞車撞其卑倪數人頽穴拋車石擊其城中其所當者無不靡碎或張罔被用障

石城上守俾者不復得力遂援之虜其男女七千余口仍進
兵圍其都城智盛窮蹙書致於君集曰有罪于天子者先王也
天罰所身已喪背智盛襲位未幾不知所以愆闕異尚書哀憐
君集報曰若能悔禍宜束手軍門智盛猶不出因命士卒填其
隍塹發拋軍以攻之又為十丈高樓俯視內有行人及飛石所
中處皆唱言之人多入室避石初文泰與西突厥欲谷設為有
兵至共為表及聞君集至欲谷設懼而走千余里智盛失援計
無所出遂開門出降君集分兵畧地遂平其國俘盛及其將吏
刻石紀功而還

十五年十一月薛延陀及其甲騎并發同羅僕骨回紇鞠霄等
衆合二十萬卒一人馬四疋度漠屯白道川據善陽嶺以擊思
摩之部思摩引其種落走朔州番精騎以戰延陀乘之及塞詔
營州都督張儉克所部其兵及奚霫契丹等厭其東境兵部尚
書李勣為朔州道行軍總管率兵六萬騎千二百屯朔方右衛
大將軍李大亮為雲州道行軍總兵率兵四萬騎五千屯靈州
右屯衛大將軍張仕貴率兵萬騎七千為慶州道行軍總管出
雲中涼州都督李襲譽為涼州道行軍總管以經畧之又遣右
屯也將軍姜行本率左右飛及左右衛引強者千人受李勣節
度是月是勣擊延陀之衆破之初延陀次通漢川李勣領率州
延陀子大度設領三萬兵領長城欲入擊突厥而思摩已南走
知不可得乃遣人登長城而罵之因見大軍塵埃連天遽退告
延陀先還而自將衆走赤柯灤度青山道頗迂達李勣選麾下

河突百而六千皆驍悍敢死強弓長稍自置道度臘知不脫乃
亘十里而陳兵先是延陀擊沙鉢羅及阿使那社爾皆以步戰
而勝及其將來寇也先講武於國中教習步戰每五人以一人
經習戰陣者使執馬四人前戰克勝即受馬以近奔失於應接
罪至於死沒其家口以賞戰人至是遂行其法突厥兵先合輒
退延遲乘勝而豕之勦兵拒擊而延阿萬矢俱發傷我戰馬李
勣乃令去馬步陣率長稍數百為隊齊奮以克之其衆潰散副
摠管薛萬徹率數千騎收其執馬者其衆失馬者莫知所從因
大從擊斬首三千余級獲馬萬五千匹甲仗輜重不可勝計會
暮殺之能盡大度設跳身而遁萬徹將數百騎追之不及其余
衆又奔走相騰踐至莫北大雪為馬疲不前人凍死者十八九
人先是延陀祭天祈雪我師不能逐及此自斃焉李勣旋軍定
襄太宗遣使賫璽書以勞將士突厥諸部有思結者先處大州
五臺縣其意帝欲歸延陀因是而叛代州追兵適及會李勣旋
軍至手尾圍擊思結計無所出走入峩谷中自度必死前殺其
妻子然後力戰勣又敗之斬首五百級生擒一千五百人虜其
男女三千余口獲羊馬稱是之

十八年七月太宗以高麗莫難支自殺其主發兵擊新羅盡禮
以事國家數遣使稽顙請援乃遣高麗改兵不從欲擊之於是
勅將作大將閻立德括州刺史趙元凱宋州刺史王波利往洪
饒江等三州造舡艦四百艘可以載軍糧泛海攻戰者且遣輕
騎數千里遼東城以觀其勢甲午遂下詔曰百濟高麗恃其僻

每動兵甲請逼新羅日蹙百姓塗炭遣使請援道路相望朕情深愍念朕命使者詔被而蕃戢兵敦好而高麗姦武攻擊未已若不救極豈濟倒懸宜令營州都督張儉守左宗衛率高履行等率幽宮二都督府兵馬及契丹奚靺鞨往遼東門屬遼水汎濫儉等兵不能濟

十一月安西都督敦孝恪師滅焉耆孝恪執其王隆突騎支送行在所時帝幸九城宮故日行在所初王師之滅高昌也制以高昌所虜焉耆生口七百盡還之焉耆王尋叛歸於欽可汗朝貢豨至今孝恪伺其機孝恪有表請擊之以孝恪為安西道行軍總管率步騎三千出艮山道以伐焉耆孝恪夜襲其城破之

十一月命太子詹士英國公李勣為遼東道行軍總管出柳城禮部尚書江夏郡王道宗副之刑部尚書勣國公張亮為平壤道行軍總管以舟師出萊州左領軍常何湧州都督左難當副之發天下甲士召募十萬并趣平壤以伐高麗

十九年四月英國公李勣攻蓋牟城破之時帝親征此以後至班師事具帝王親征

門

二十年六月遣刑部尚書固攻安崔敦禮特進英國公李勣擊破薛延陀於爵督軍出北前後斬首五十余級虜男女三萬余人時鐵勒僕同羅共擊薛延陀多彌可汗大破之帝以延陀破王遣江夏王道宗右衛大將軍阿史那杜尔為潮海安撫大使右使左領軍衛大將軍執失思力領突厥兵伐州都督薛萬徹云州都督張儉各統所部兵分道並進又令右驍衛大將軍梁

必何力領涼州及胡兵同入以為救援江夏王道宗等兵既渡
磧遇阿波達官控弦數萬萬直前拒戰道宗進擊破之斬首千
余級追奔二百里薛萬徹別軍北道與迴紇相遇二將各遣使
諭以緩懷之旨其莫帥見使者皆頓桑歡呼曰不意大國遠來
存撫俱請入朝既而諸部降書皆至百寮畢賀

二十一年三月伐高麗以左武衛大將軍牛進達為青丘道行
軍大總管左武衛大將軍李海岸為副發兵一萬余人并接舡
戰阿自萊州汎海而入又以特進太子詹事英國公李勣為遼
行軍大總管右武衛將軍孫二即左屯衛大將軍鄭仁泰為副
配兵三千人其營州都督府所管兵馬並皆隸勅於是厲涉遼
東自新城道入兩軍之發也並遣慣習滄波能以少擊衆者而

配隸焉先是十九年帝之伐高麗也以討逆為民及破駐蹕陳
帝以御副弓服賜莫難支重服拜御恩而不遣親近來謝天子
以募秋邊詔六軍班莫難支以王城獲全庶幾可以自免滋害
其主又令賜我邊隙厥貢踈薄失蕃人臣大國之禮天子扼
腕含怒中歆取之中義以為高麗城雉依山攻之不可率不
徃前鑿駕親發廢其耕稼所陷之城並收其谷韓師旅炎旱
相繼夷人以猥衆大半斷粒若得少兵番次躁其邊場彼瘡痍
之殘疲於奔命耕天澤未並皆入堡島夷之邑千里荒撫古人
云金城湯城非粟不顧若再三如此高麗必大窮迫自然逃散
誰肯為莫支嬰城鴨淶水已北可不戰而取天子以為然故有

七月牛進達李海岸攻高麗石城陷之虜男女數百人師火積
利城下高麗出軍萬余人拒戰海岸等擊破之斬首二千級
九月遣宋州刺史王波利中即將兵孝忠發江南十二州造入
海大舡及艫舡三百五十艘將征高麗

十二月詔曰皇天埋物蓄麗屬於大塊厚生騰殺氣於秋序故
庭霓震睢懼八弦繁霜凝肅威加萬教朕既承茲介福超上皇
王憂責在躬情兼列代昆虫不理尤且納皇戎羯未寧豈宜安
席過矣西土自古遊魂昔與場本同根葉尋戎致閱遂爾摧難
鷄田載斗是其祭天之地鴈塞千云上應分術之野壘踰潮海
局拒塞垣揔其御燭之鄉並為征賤之俗惟有烏孫舊境疊屢
所漏本既先拔未嘗能全皮尚不存毛在將安託侵軼軼旅熬
之壤剽掠拒雀之藩蕃此凶荒歷年慈文積其愆禍崇凶貫盈
凡厥擅裘不勝焦爛蠢茲板屋盡若侵漁膜拜錦車思極溺以
延首重譚蠻邸叫麗闔而委命裂常裹足驟請天誅朕乃睠西
顧深悼于懷捨此拂菻孰其靈命是以求衣待旦對懸亡食哀
彼綴旒義增投袂垂臨軒而獨斷慮疑謀之罔從乃命鼎司陰
籌遠畧言總出於唇舌應已昭於上弦昧旦臨朝大史奏曰昨
霄甲夜鐵阿蝕昂考靈臺之秘簡徵渾象之舊文月者陰精用
刑之兆也星纏胡分数終之效焉是知天道雖高去人非遠至
誠仰達應不踰時奉以襲行理歸無惑今便窮秘推轂制詔夏
官禡社出番發明秋冬殲斯拒猾救彼穹黎可遣使持節崑丘
迫行軍大摠管左驍衛大將軍阿史那社尒副大摠管左驍衛

將軍契苾何力金紫光祿大夫行安西都護郭孝恪司農卿
清河郡公揚引禮行軍總管左武衛將軍李海岸等摠擊奄斬
蛟之士帥曳牛佩豕之曹莫不感義長駟誓深穴之志循躬距
躍將謝骨肉之恩又發鐵勒岳牧十有三部突厥侯王十萬余
騎沸渭動沙場之地呼吸振廣漠之風道自金微會于分心領
又遣吐蕃君長踰憲度而北臨步搖酋渠絕昌海而四鶻齊飛
自羽周設天羅縱今懸米之源掩可津而電擊沫渚崦山之嶠
轆日域以雷奔取彼渠魁委于司寇極其萌隸賜以營魂俾夫
六羸泛駕免覆車而伏皂十角摧鋒與共觝而俱歆豈非有名
動衆本為除殘以義出師貴能徵惡是以倒戈必宥事表於前
經輿觀不誅理詔于往告其有去危投欵悔禍求哀毳幙酋豪
宜錫長春之寵韋韞種落惠以飯啄之娛且夫察惟興事者機
也勞已安人者義也天與則取可謂乘機重欲斯從是名敦義
踐機而必作大義以行之今此一勞永康四表折兵難再或失
時宜以朕之懷速頒天下初龜茲既陳于西突厥既安西都護
孝義之伐焉者也龜茲遣軍援助自是藩禮漸闕帝大怒故有
是詔

閏十二月阿史那社尒與郭孝恪揚引禮率五將軍又伐鐵勒
十二部兵十餘萬騎以伐龜茲社尒既破西蕃處月處蜜乃進
師趨其北境不意西突厥所署焉其王奔城而遁社尒遣輕騎
追擒之龜茲大震守將多奔城而走社尒進屯進石去其都城
二百里遣伊州刺史韓威率千餘騎為前峯右驍衛將軍曹繼

叔次之至多褐城與龜茲王相遇及其那利羯獵等有衆五萬
送拒王師威乃為遁而引之其王侯利發見威兵少悉衆而至
威退行三十里與繼叔軍會合擊大破之其王退保都城社余
進軍逼之王乃輕騎而走遂下其城令孝恪守之遣沙州刺史
蘇海政尚輦奉御薛萬備以精騎逼之行六百里其王窘急退
堡于撥摸城社余等進軍圍之擒其王及大將翔獵頭等其相
那利僅以身免潛引西突厥之衆并其國兵萬余人來襲孝恪
興于侍詔同死于陣官軍大擾倉庫郎中崔義起與曹繼叔韓
威等擊之那利足馬而遁尋為龜茲人所執以詣軍前後破其
大城五所虜男女叛萬口社余因立其王之弟葉護為王勒石
紀功而旋俘其王阿黎布石畢及那利羯獵頭等獻于社廣是

月以崑丘道行軍總管左武衛將軍阿史那賀魯為泥伏沙鉢
羅葉護并給鼓纛遣詔討巴西突厥

三十二年正月詔授右武衛大將軍薛萬徹為青丘道行軍大

總管右衛將軍裴行大為副率兵三萬余人并棧舡戰艦自棗

州泛海以擊高麗萬徹俘海入鴨
添水俘獲甚衆

四月烏胡鎮將軍右神威卒俘海直指高麗領步騎五千拒戰
於易山短兵總接其衆大潰斬首虜八百余人其夜賊兵萬余
襲神感之舡神威設伏以待之賊不覓奮擊又破之而還

是月右武侯將軍梁建方擊松外蠻破之初雋州都督劉伯英
上言松外諸蠻雖降款旋即背叛請出師討之西濟河天竺道
可通也由是發蜀中十二州兵討之蠻率雙舍率衆拒戰建方

擊敗之殺獲千余人郡蠻震振擾投竄山谷建方分遣使者說以利害爭來款附前後至者七千余部戶十萬九千三百建方署其首領蒙和為縣令各統所部莫不咸悅乘勝遣使往西洱河其師揚盛見使至大駭具舡將遁使者曉諭禍福示以威信威遂稽顙請降遣首領十人來謁軍門建方震旅而退

六月薛延陀餘衆二萬人渡鮮嶠河侵澣金微幽陵三郡都督各發兵逆擊大破之斬獲八千級於是發燕副都護元臣率九姓鐵勒捕之

是月青丘道軍師薛萬徹渡海入鴨淶水百余里百泊灼城南四十里止營高麗龍懼并弃邑居而遁泊灼城主所失孫率步騎萬余人來拒官軍萬徹遣右衛將軍裴行方領步率折衝尉

羅文合為支軍繼進萬徹及諸軍乘之賊大潰追奔百余里及於陣所夫孫進兵圍之泊灼城因山設險阻鴨淶水以為固攻之未援高麗遣將高又卒焉國安帝諸城兵三萬余人未援分置兩陣萬徹分軍以當之蜂刃繞援而賊潰俘獲且盡而還八月辛未遣左嶺軍大將軍執失思力往今山道討薛延陀餘部落

是月崑丘道將軍阿史那社尒擊羅處破之余皆悉降

九月遣茂州都督張仕貴右衛將軍梁建方發隴西右及峽中兵馬二萬余人擊編獠初帝遣欽南造舡獠獠之人咸令減役雅邛眉二州編獠或不祗承呼召相率而反乃遣建方萬徹等討之

監本冊府元龜卷之九百八十五

監本冊府元龜卷之九百八十六

外臣部 三十一

征討第五

唐高宗永徽元年六月朔衛即將高侃等兵討突厥事鼻可汗於阿息山車鼻聞王師至携其愛妻徙数百騎而遁高侃追至金山擒之以歸京師九月馘于社余又馘于昭陵帝使謁之曰昔頡利亂王爾不佐輔則無骨肉之情矣延陀稱兵自立破敗之後爾又潛於吐窟斯即為臣不忠國家遣使招撫因爾擅行劫殺爾之所犯不忠不義罪不容誅朕生好惡殺不忍即徙刑典且光皇平殄諸國所獲酋渠咸恕性命仰尊先百宥汝不死乃道釋之敗左武衛將軍賜宅于長安處其余衆於爵督軍山

皇狼山都督府以統之

二年八月卽州白水蠻反叛寇麻州之界江遣鎮左領軍趙孝祖為卽州道摠管與卽州都督任懷玉率兵討之平也

十一月趙孝祖討白水蠻至羅仵侯山蠻帥禿磨蒲大鬼主都于等率諸部萬余人守着口以拒官軍孝祖與戰大破之追至周進水賊帥显彌於及鬼主董朴等精兵六千據水為塞依山結陣遣輕騎數百來送官軍孝祖率兵擊之儉彌于若戰自辰至酉賊衆大敗臨陣彌于禿磨蒲及大鬼之首領十余人賊又阻大雪飢凍死者畧進孝祖又奏言貞觀中討昆州烏蠻始門青挺弄棟為州縣弄棟之西有小勃弄二對常扇動弄棟欲令反叛其勃弄以西與黃瓜葉榆西洱河相接人衆毀實多於蜀

川大莫長好結讐怨今因破白木之兵請隨便西討撫而安之詔許之

三年正月弓月道行軍摠管梁建方契苾何力等大破處月朱耶孤注於牢山初吐陸及阿利那賀魯之叛也招透處月密等部相率皆等及建方軍至吐陸大懼遠迹西遁朱邪孤注既殺果毅單道惠乃據守牢山其山險絕建方分兵數道並進彭而登四面攻之賊衆大潰孤注携所親夜遁建方使摠管高德逸輕騎追之行五百里孤注據險拒戰于陣生擒斬之斬首九千級虜渠師六十余人

四月卽州道行軍摠管趙孝祖大破白水蠻大勃律西南夷遂定之

六年正月携州道行軍摠管曹繼叔破胡叢显養東魯等蠻於
科山克一十余城斬首七百余級獲馬四百余匹犛牛一萬五
千頭

二月遣營州都督陳名振左衛中郎將蘇定方等發兵以討高
麗以侵掠新羅故也時新羅王金春秋表言高麗與百濟鞬鞞
相連侵其北境已奪三十三城乞兵救援故遣名振等經畧之
五月程名振率兵度遼水至高麗以名正兵少乃開六城門出
兵度貴端水與名振戰賊徒大敗奔走過水欲入水不得殺獲
千余人名振縱其羅郭及材落而還也

是月遣左屯衛大將軍程知節為葱山道行軍大摠管軍左武
衛將軍舍利叱利右將軍王文渡伊州都督蘇海政等討西突
厥阿史那賀魯

显慶元年八月程知節與賀魯所部歌羅祿及處月戰於榆慕
谷大破之斬首千餘級獲駝馬牛馬萬計副將周知度攻其突
騎處木昆等於咽城援之斬首三萬級虜獲甚衆之

九月程知節與賀魯男啞運戰斬首数千級進至常篤城俘其
部落戶口及賀物鉅積

二年閏正月賀魯入寇詔右屯衛將軍蘇定方為伊嚴道行軍
摠管率燕然都護任雅相副都護蕭嗣業等發回訖兵以追討
賀魯乃詔右衛大將軍阿史那彌射左屯衛大將軍阿史那步
真為流步安撫大使以詔輯其舊衆

十二月蘇定方大破賀魯金牙山盡其所據之地西域悉平初

賀魯侵併西域諸國侵寇庭州迴紇婆閏等諸郡屬請討之帝
前後遣梁建方契苾何力程知節等率兵追討皆不克而還及
蘇定方為大摠管領迴紇等兵與阿中那彌射步真等分出西
州京城兩道以經畧之定方與金山之北其俟斤嬾獨祿等率
萬余帳來降定方發其千騎進至曳咥河之西賀魯卒十姓兵
馬且十萬來拒戰定方領迴紇及漢兵萬餘人迎擊則輕定方
兵少四面圍之定方令步卒據其原攢稍外向自領漢騎陳於
北原賊先擊步軍三衝不動定方乘勢擊之賊遂大潰追奔三
十里斬獲數萬人明日摠兵復進賀魯之衆五弩失畢部落相
次來降五咄六部落聞賀魯拜各向南道降于步貞所至蕃人
皆相率歸降曰我舊主也定方乃令嗣將蕭嗣業迴紇婆閏等

率蕃兵趨祁羅斯川以追賀魯定方與任稚相等領新附之衆
以繼其後會大雪平地二尺軍吏咸請停兵俟晴定方曰虜恃
雪深謂我不能前進必當憇自追之可急緩以縱之則漸遠難
追省日兼功在此舉也於是勒兵衝雪晝夜兼進所輕收其人
衆遂至雙河與稱射步真相會兩軍合勢去賀魯所居二百里
布政長驅徑至金牙山賀魯牙所時賀魯集諸衆欲獵定方與
彌射縱兵擊之盡破其牙帳生擒數萬人并護其鼓蠹器械賀
魯遂與咥運及其女夫闕啜等脫走投石國定方於是悉兵命
諸部歸其所居開通道路列置館驛埋痊骸肉所在問疾若分
其壘界復其產業賀魯所虜掠者悉護還之於是西域諸國安
堵如故三年營州都督兼東夷部護成名陣口領軍即將薛仁

貴率兵攻高麗之去烽鎮即援之斬首四百餘級生擒首領已下百余人俄而高麗遣其大將立方婁率衆三萬人來拒官軍名振率丹契兵逆擊大破之遂北二十余里斬首二百五百級五年三月以左武衛大將軍蘇定方為神立道行軍大總管率左驍衛將軍劉伯英右武衛將軍馮士翹左驍衛將軍龐孝秦等并發新羅之衆以討百濟百濟恃高麗之援侵新羅故也五月以定襄都督何史德樞兵左衛侯將軍延陁梯貞居延州都督李合浦并為冷岍道行軍總管各領本蕃兵以討叛奚仍令尚書左丞崔余慶克使摠護三蕃尋而奚遣使降附改樞賓等為沙磧道行軍總管以討丹契擒丹契松漠都督阿卜固送之東都并擒叛奚謀正匹帝禿斬之而還

八月蘇定方援百濟之都成初定方率衆自成山濟海賊徒據熊津江口以拒官軍定方既濟乘山而陣與之大戰揚柁蓋海相續而至則師敗績死者數千人自余大潰遇朝且上官軍連軸入江水陸齊進飛檄鼓直識趣真都去城二十余里賊傾國來拒大賊破之殺虜萬餘人追奔入孰其王義茲及太子隆奔於北境定方進圍其城義茲次子泰自立為王率衆還故守義茲嫡孫文思日王與太子雖並出城而身見在叔摠兵馬專擅為王假令漢退我父子當不全矣遂率其左右投城而下百姓從之泰不能止定方令兵士登城立熾於是泰開門頓顙請命其大將直又將義茲來降太子隆并與諸城主皆同送疑百濟悉平之

是月左武衛大將軍鄭仁泰率兵師思結援也固僕骨同羅四部落三載皆捷追奔百余里斬首其領而還

十二月以左驍衛大將軍契苾何力為沮江道行軍大總管左武衛大將軍蘇定方為遼東道行軍大總管左驍衛將軍劉伯英為平壤道大總管分道發兵以討高麗

龍朔元年正月以鴻臚卿蕭嗣業為扶余道行軍總管率迴紇等蕃兵赴平壤以討高麗

三月帶方洲刺史劉仁軌大破百濟余衆於熊津之北境之

四月詔兼兵部尚書任稚相為沮江道行軍總管左衛大將軍契苾何力為遼東道行軍總管左武衛大將軍蘇定方為平向道行軍總管鴻臚卿蕭嗣業為扶余行軍總管并率諸蕃軍將

總三十五軍川六分途先觀高麗之豐帝將親率兵軍以繼之

八月蘇定方破高麗之衆於沮江頓戰皆截奪其馬邑山因山

為營遂圍平壤城

明年三月
勒兵而還

十月以鐵勒殺勅使反叛詔左武衛大將軍鄭仁泰為鐵勒道行軍大總管燕然都護言劉審禮左武衛將軍薛仁貴為副鴻臚卿蕭嗣業為山萼道行軍總管左屯衛將軍孫仁師為副率兵以討之

二年三月鄭仁泰薛仁貴等破鐵勒之衆於天山時鐵勒有思結多獵葛等部落先保天山及仁泰等將至一送降疑仁泰等結兵擊之虜其家口以賞軍士賊乃相率遠遁

七月熊津都督劉仁願帶方州刺史劉仁軌等率番鎮之兵及

新羅之兵大破百濟余賊於熊津之東援其真峴城斬首八百級

三年正月鄭仁泰等討鉄勒余衆悉平之

乾封元年六月詔左驍衛大將軍契苾何力為遼東道安撫使以應接高麗王初高麗莫難支蓋蘇文死其長子男生代父為莫難支之位既初知國政出城諸城使其二等弟男建難產留後知國事男生既出或謂男建等曰男生惡二弟逼以意欲除之不如先為計也男建等初不信之又有人謂男生曰二弟恐兄回奪已欲摧拒兄不納男生始所親潛往平壤以伺焉男建等知而掩得之由是弟相猜二男建等乃以其王命召男生男生懼不敢歸男建等遂發兵討之男生走據國內城以自守其子猷誠詣闕求救於是詔何力率兵赴援乃授猷右武衛將軍使為鄉導又遣左金吾衛將軍龐同善營州都督高侃等為行軍總管以經畧高麗

九月龐同善大破高麗男生率所親會同善之軍

十二月命司空英國公李勣為遼東行軍大總管兼為遼東安撫大使左金吾衛將軍龐同善左驍衛大將軍契苾何力並依舊為遼東道安撫大使莫水陸諸軍總管皆糧運使竇義積獨孤卿雲郭待封及募兵以上並受勅處分以討高麗河北道諸州租賦摠起遼東以給軍用於是水陸分道以赴平壤

二年九月李勣拔高麗之新城遣苾將契苾何力守之勣遂引兵進破一十六城

三年二月李勣及薛仁貴進拔高麗之扶余城偏將龐同善高侃等為後殿上在新城高麗男建遣救新城夜襲同善等仁貴率援軍以破之侃等移軍進至金山為賊所敗高麗乘勢而進仁貴橫擊之賊大敗斬首五百余級遂拔其南蘇木底蒼崑等三城與男生之軍相會仁貴乘勝領二千將攻余城諸將以兵少止之仁貴曰在善用也不在多也遂先烽而行敗眾來拒逆擊之大破殺獲萬余人余城既降扶余川內四十余城一時送款

總章元年九月李勣進軍援高麗之平壤城遼東急平初勣既破大行城諸軍盡會契苾何力拔南蘇等八城會勣於鴨綠柵合軍以攻辱夷城又拔之何力引蕃漢兵等五十萬人逼平壤勣軍既至高藏遣男產帥收領九十八人持白旛詣勣乞降謂便入朝謝罪勣以禮接之男建猶閉門固守勣乃移兵於平壤之側以逼之男建頻遣兵出戰皆大敗男建下主兵摠管僧信誠密遣人詣軍許開門城為內應經五月信城果開門勣縱兵入登鼓譟燒城門樓四面火起男建窘急刺自不死遂虜高藏男建男產等以歸京師

咸亨元年四月吐蕃陷白州等八州詔右威衛大將軍薛仁貴為羅安道行軍大摠管左衛一外大將軍阿史羅道真左衛將軍執待為副以計吐蕃將援吐谷渾還其故地

三年正月發梁益等一十八州兵募五千三百人遣太子右衛副率梁勣壽為姚州道行軍摠管率兵以討叛蠻之

四年閏五月燕山道摠管李謹行破高軍于瓠盧河之西高麗平壤余衆遁入新羅

五年二月遣太子左庶子同中師門下二品劉仁軌為鷄林道大摠管衛尉卿李弼右領軍大將軍李謹行為副發兵以討新羅時新羅王金法敏既納高麗叛亡衆之封百濟故他漸使人守之帝大悅下詔制法敏官爵仍以其弟右驍衛員外大將軍臨海郡公金人問為新羅仕二問在京師詔令歸國以代其兄仁問行至中途問新羅降人問乃還上元二年二月劉仁軌大破之新羅之衆於七重威又以鞞靺兵浮海而南略新羅之南境斬獲甚重仁軌勒兵而還詔以李瑾行為安東鎮撫大使屯兵於新羅之買肯城以經畧之前後三戰新羅皆敗新羅於是

遣使入朝伏罪并獻方物前後相屬帝境許之復其王金法敏官爵

三年閏三月吐蕃寇鄯廓河等州詔落州牧周王显為洮州道行軍元帥鎮工部尚書劉審禮等十二摠管并州大都督相王輪為涼州道行軍元帥領左衛大將軍契苾何力鴻臚卿蕭嗣業等以討吐蕃二王竟不皆行之

調露元年十月單于大都護府突厥何史德温傳及奉職二部相率反叛立阿史那泥熟匐為可汗二十四州首領并叛遣單于大都護府長史嗣業將軍花大智李影加討之

嗣業為賊所敗令右金吾

衛將軍懷奔卒兵往常州并四右武衛將軍崔猷往烽州龍門以防獅突厥

十二月詔禮部尚書校檢右衛大將軍裴行儉為定襄道行軍

大摠管率太僕少卿李文思營州都督州道等部兵十八萬并西軍程務挺東李思文營州都督周導等部兵十八萬

二年三月裴行儉大破突厥於黑山擒其首領奉職為可汗泥熟匄為其下所殺傳首來降

永隆二年正月突厥寇原慶等州令右衛將軍李知十左威衛將軍王果分往涇慶州統兵以防禦又遣禮部尚書裴行儉為定襄道大摠管右武衛大將軍豐懷舜幽州都督李文暕等為副率兵以討突厥温傳部落之處

閏七月裴行儉大破突厥使伏念之衆伏念為程務挺所擊遂執温傳來降行儉於是尽平厥突余黨執伏念温傳振旅凱旋永淳元年四月以裴行儉為金牙道行軍大摠管與將軍問懷

旦等三摠兵分道討十姓突厥阿史那車薄

行儉才安西副都

護王方翼車薄咽麴西域十

二年十一月命右武衛將軍程務挺為單于道安撫大使招討摠才管山賊元真骨篤祿賀慶君等

則天垂拱元年二月阿史德元珍等寇款代等州命左王鈐衛中郎將淳于處平討擊之

十一月命天官尚書韋大價為燕然行軍大摠管以討吐蕃三年二月突厥骨吐祿元珍寇昌平殺掠人吏命左鷹揚衛大將軍黑齒常之率諸君討擊

永昌元年五月命文昌右相韋待價為安息道行軍大摠管以擊吐蕃

天授二年五月命文昌右相岑長倩為威衛道行軍大總管討擊吐蕃

延載元年十月命容州都督張玄遇為柱永等州經畧大使討嶺南反獠

證聖元年七月命夏州尚書王孝傑為蕭邊道行軍大總管以討吐蕃

萬歲通大元年五月營州城傍契丹首領松漠都督李進忠歸誠州刺史孫萬榮殺都督趙文翹舉兵反攻陷營州命左鷹揚衛將軍曹仁師右金吾衛大將軍張玄遇左威衛大將軍李多祚司農少卿麻仁節等二十八將討之

七月命春官尚書梁王三思為榆關道安撫大使納言姚璿為副以備契丹攻契丹首領李盡忠名盡滅孫萬營名為萬斬

八月張玄遇曹仁師麻仁節等與契丹戰於西硤口谷官軍敗績玄遇仁節並為賊所擄又令夏官尚書王孝傑右羽林將軍蘇宏暉領兵五萬繼之孝傑在陣陷沒宏暉棄甲背遁萬斬乘勝率其衆入幽州屠臣剽邑殺掠人吏清邊大總管建安王武攸宜遣裨將討之不能克萬斬俄又引領南與官軍戰神兵道摠管楊玄塞率輕其角前奚人出兵以倚其後表裏合擊之萬斬大敗獲其別師何阿小及軍資器械可不勝數萬斬謹以身免又收合余兵與奚戰奚兵回面攻之大潰萬斬弃其衆以輕騎數十人東走張九節率數百騎分為三隊設伏邀之萬斬窮蹙乃將家奴輕騎隨至潞河東困甚于林下解鞍其奴因斬之

張九節傳其首于神都懸之四方館之門

二年五月命在金吾大將軍河內王懿宗為神道兵摠管右肅政御史大人婁師德為清邊道副大摠管右武威衛將軍沙吒忠義為清邊中道前軍摠管率兵二十萬討契丹

聖歷元年八月突厥默啜卒眾襲進難及平狄青夷等軍靜難軍使將軍慕容玄則以兵五千人降之賊軍由士大振俄父進寇為擅等州命司屬卿高平王重規為天平中道大摠管右武威將軍沙吒忠義為天兵西道前軍摠管幽州都督張仁亶為天兵東道摠管率兵三十萬以討默啜又令左羽林衛大將軍閔敬容為天兵西道後軍摠管統軍十五萬以為後

又視元年閏七月冬令左肅政御史大夫魏元忠充隴右諸軍州大使以討吐蕃

九月左金吾將軍田揚名左臺殿中侍御史封思業斬吐蕃阿悉吉薄露傳首神都初薄露將叛也今揚名率兵討之軍至碎葉城薄露夜伏兵於城傍落官馳馬而去思業率輕騎追擊之翻為所敗俄而揚名與阿史那改瑟罷忠節率眾大至薄露據城拒守揚名援之積十余日薄露詐請降思業誘而斬焉遂虜其部落

中宗神農二年十二月突厥默啜寇靈州鴻沙縣進寇元會等州購募能斬獲毀者封國王授諸衛大將軍賞物二萬段

三年五月以左屯衛大將軍兼檢校洛州長史張仁亶為朔方道大摠管以備突厥

六年姚嵩道討擊使侍御史唐九徵擊姚州叛蠻破之俘虜三千討遂紀功焉

玄宗開化二年二月突厥默啜遣其子同俄物勤率衆寇北庭都護府右驍衛將軍郭虔權擊敗斬同俄於城下屯之

七月吐蕃寇臨姚文進軍寇蘭州渭州掠郡特遣左羽林將軍隴右防禦使薛訥率副將軍杜賓客郭知運王駿安思順禦之十月薛訥破吐蕃於魏州西界武階驛斬首一萬七千級獲馬七萬七千匹羊牛四萬隻

三年十月詔曰越嵩之地髡寇犯邊孤我大恩敢為小寇雖螳螂舉斧自聞屠滅之城而蜂蠆有毒仍籍討除之勢右騎衛將軍員外置同正員李玄道負衛霍之才蘊孫吳之法決勝千里

咸誦在心通知四夷若肯諸長故能聞敵思勇好謀而成宜於戎瀘夔巴梁鳳等州寇兵三萬人馬二千匹并舊屯兵士赴州討擊賊縱退散亦須窮其巢穴杜絕飛走使無遺在此舉焉

六年二月大舉蕃漢兵北伐突厥下制曰書征四稱不庭援厥兆人可以覆昏亂勢有罪保大定公利物徵慝故高陽有九黎之伐大舜有三苗之征欽若聖謨是為殷鑒突厥殺殺名窮漠

餘裔大邦通誅恃其憬俗未遵朝化比為潛遁幽幌蝟閔華壤固声朔之不被將羈縻以畜之而擾我諸蕃窺我邊境今郡方輯陸重譯會同奉珍執贄者萬數請吏來王者億計咸以為衆之所加各有統領師徒取其仇怨援悉出塞右驍衛大將軍金山道摠管處木昆執米啜堅昆都督右武衛大將軍骨篤祿毗

加可汗等孤矢之利所尚無前契丹都督左金吾衛大將軍靜
折軍經畧大使松漠郡王李失活奚都督右金吾衛大將軍保
塞軍經畧大使饒樂郡王李大酺等士馬之精何往不尅並摠
戎雲萃賈勇風馳西從沙磧至於德建山下東發海浦其乎獨
活河上姓牧曳固都督稽洛郡王左武衛大將軍頡質畧同羅
都督右監門衛大將軍毗伽末啜婁都督右驍衛將軍比言僕
固都督左驍衛將軍曳勒哥等種分業異效即輸忠梟彼凶寇
掃除遺孽並右騎右角連營合圍故路絕飛走計窮躍噬然我
國家以止曳存義釁鼓傷仁於欲先德後刑有征無戰庶蕃之
請抑而莫從皇天有命將不獲已突厥殺若迷而知復困即能
通革面虜庭委身闕改其縛焚其襯有逢伯之前聞大者王小

者侯即田橫之徒事况默啜之子右金吾衛大將軍右賢王默
特勤逾輪自援于亂頃援于國今不計其先人之僭復加以右
賢之寵右威衛將軍左賢王阿史那毗伽特勤左武衛大將軍
燕山郡王大援石失畢左領軍衛大將軍阿婆啜阿史那褐多
驍衛大將軍賀魯室合真阿婆囑等或被貴種德擊人思或彼
信信臣已歸邦化咸從衆望並錫遵官隨師以籌謀採狄人情
狀便立衙帳令居塞垣其首領百姓等有能轉禍為福去逆效
順爵賞之科國朝有典且發單于之使諭其觸網之徒擾而桑
之五申三令儻復巢未悟沸鼎猶安習苦為其聞言不信則戈
桑所接玉石同焚免思良圖贊成命朔方道行軍大摠管銀青
先祿大夫左散騎常侍攝御史大夫王駿長才多可大勇不闕

寄用杆成隱若敵國當出閫之寄用有辭弟之公故可摠是中
軍以引上畧凡蕃漢三十萬衆并取駿節度大戴禮云王者之
征猶時雨也至則人悅之矣俾夫威武外照人德內洽用恢天
聲以靜邊徼布告遐邇咸使知聞

八年九月遣左驍衛郎中張越使千鞞鞞以奚及契丹
背恩議討之也

九年四月蘭池州叛胡頭首偽稱葉護康侍賓安慕容為多多
覽殺大將軍何黑奴將軍石神奴康鉄頭等據長全縣攻陷六
胡州命兵部尚書王峻發隴州右諸軍及河東姓掩討之殺三
萬五千騎擒康侍賓至京師腰斬之還也

五月既誅康侍賓下詔曰蘭池胡久從編附皆是淳柔百姓乃
同葦下四人康侍賓等敢亂天常俱為福首驅率群衆嘯聚沙
泉使良善失業而兇渠逞志人祇發怒魁首者并無誅夷鋒刃
揮芒陣敵者亦聞梟戮元惡灰盡餘黨無多本是脅從初非爾
今罪乃潛竄非示其誠朕亭育蒼生皆同赤子每一物之失所
寧甘心之德安莫不念切在子情深責已故先之以德亦寬之
以恩乃遣常侍趙元通又命御史大夫韋抗樹次招討俱不廩
承儻滋蔓繁多惡遠毗塗炭非願勤於兵馬蓋須申於弔伐期
方軍大摠管王峻隴右節度使郭知運等處奉廟謀恭行天法
所有殺戮爰及俘囚或因戰敵相交灼然好惡無辨驚波由是
共溺烈火所以俱焚自孽誰尤歆逝何去已滅亡者其如咎譴
未歸附者是可哀憐或反側還憂或嫌疑多惧宜開自新之命

以矜莫大之罪其胡賊及勾引諸蕃同叛迹在山谷沙藪間宜
懼不出者並原其罪宜令夏州都督楊欽明依前處分安尉仍
以左監門將軍安慶為副依理宣尉量加招輯各令復業務使
安存訖奏聞若不順從猶特向背須別處分亦具奏來壬申蘭
池州叛胡頭首偽稱護業康侍賓偽稱業護安慕容以叛勅曰
朕臨仰還極思養黎元一物不安則推溝軫慮萬方未乂則分
閫與憂近者蘭池叛胡無端構孽蠢爾克醜敢忘恩化再令喻
仍未歸三理絕務容事資僕滅既從斯而背德不護已用而兵
朕今發隴諸軍馬騎掩其南征河東九姓馬騎襲其北三城士
卒截其後六郡驍雄擊其前四面齊駈萬金真進飛走無路糜
爛待時其蕃漢兵將已下戰士已上若生擒及斬獲康侍賓等
一人白身授五品五品以上授三品如臨陣先鋒能破此胡部
落所獲資才口馬牛羊並便入立功人等一切不須官收仍別
加官賞其叛入內有人能殺獲送者應酬官賞亂常乞叶人謀
摧枯拉朽匪朝伊夕而告軍州咸知朕意

十四年二月邕府獠首領梁大海周光等據賓橫等州反遣
驃騎大將軍兼內楊思最討之

之罪一切並原正是忠臣憤激之時壯士立功之日龔行天討
十五年正月涼州都督王君奐破吐蕃於海之西虜輜車羊一
馬而還

十六年正月秦隴等州對獠首領澄州刺史陳仁軌廣州首領
馮仁智何遊魯叛反遣驃騎大將軍楊思最討之還者

七月制日昏迷反道天地所以致罰戎狄亂草帝王所以耀武吐蕃小醜頻年犯塞壞我城鎮虜我邊人言念征夫良深憤惋今北軍羽騎萬弩齊發西山飛將百道爭先掃蕩之期在於刻然賞罰必信懲勸在焉踈令不明忠勇何望若迴避縱敵則實國刑如克携擒克須懸軍格其河西隴右安西劔南等節度將士已下有能斬獲吐蕃贊普者封異姓王斬獲大將軍者授大將軍獲次已下者節級授將軍中即將不限白身官資一例酌賞速令布告咸使知聞

是月檢校兵部尚書蕭高鄴州都督張志亮攻拔吐蕃城斬獲數千級收其貲畜而還

八月蕭高遣金吾衛將軍杜賓客及吐蕃戰于祁連城大破之獲其大將一人斬首五千餘級

十七年二月嵩州都督張審素政破蠻拔昆明城乃監城殺獲萬人

三月孤州刺史墨難君使張守珪沙州刺史賈思順領伊等州州兵入吐蕃大同軍大破吐蕃駘剪不可勝紀討之

是月禮部尚書信安郡王緯帥衆攻共拔吐蕃石保城而還十八年五月契丹衙官可突于殺其主李召固率部落降于變厥奚部落亦隨而反奚王李魯蘇來奔召固妻李華公主陳氏反魯蘇妻東光公主韋氏并奔投平盧軍制幽州長史趙含章率兵討之

二十年正月以朔方節度等副大使禮部尚書信安郡王緯為

河東河北西道副大揔管知節度事率兵討契丹率戶部侍郎裴耀卿等諸副將分道統兵出於范陽之地大破兩蕃之衆擒其首長余黨竄入山谷

九月渤海靺鞨寇登州殺刺史韋俊命右領軍將軍蓋福發兵討之

二十二年十二月幽州長史張守珪發兵討契丹斬其王屈烈及其大臣可突于傳首東都余皆散走

立其酋長李遇拆為契丹主

二十四年正月北庭都護蓋加運率兵擊突厥施大破之

以其二十

三年十月寇北庭及安西撥揆城也

二十五年二月張守珪破丹契余衆于祿祿山殺獲甚衆之功三月河西節度使崔希逸自涼州自率衆入吐蕃界二千余里

海西素邏文字背與賊相遇大破之斬首二千余級而回

二十六年三月吐蕃寇河西崔希逸擊破之鄯州都督杜希望攻拔吐蕃新羅城戎軍

二十八年三月王權叛益州長史張仇兼瓊大破吐蕃收安戎城分兵鎮守

天寶三載八月援悉蜜國伐突厥烏蘇米施可汗傳首闕下

四載二月朔方節度使王忠嗣上言曰臣聞北方雜魯之中突厥為其大風俗彊悍孤矢利習而諸蠻夷皆出其下所以憑陵河塞歷代患之大源涇陽豈惟萌事山東渭上魯是近憂自階下君陵萬邦無遠不至惟此種落上懷二心階下執有九安危之樞制四夷短長之如垂濡澤則斯與草芥同風若振天威則

彼惟魚肉而已故從開元二十九載部落日以斃難可敦西殺
並諸侯王貴人已下前後疑寒者始至萬計其余復相保聚更
立烏蘇米施為可汗階下又使內史君招債等曉以安危俾其
內附鬼神所極米施伏誅去秋又詔臣卒驍騎直至落河內山
以問其罪而左相阿波達于等一十一部並應時誅擒獨右廂
之衆未平今又為九姓之所破自眉特勤之首既傳于藁街骨
咄祿婆旬可敦又敵于闐下霜兩未交而郡克盡殪王師未老
而大莫將空自先帝擒頡利靜白帳以來復見於今日矣伏請
頒示天下宣付史館從之

八載六月隴西節度使哥舒翰攻吐蕃石堡城援之大勝回還
十載四月劔南節度使鮮于仲通將兵六萬討雲南與其王閣

羅鳳戰于瀘川


十一載三月朔方節度副使奉信王阿布思與安祿山同討契
丹

十三載三月北庭都護程千里生擒叛魯阿布思敵于勒政樓
下斬之子朱崔街阿布思九姓首領也開元初為默啜所破請
降附及開元末北蕃大亂遂與西殺妻子及默啜之孫勃得支
持動毗伽可汗女伊然可汗小妻登利可汗女及阿布思頓利
發等並卒其部歸我天寶九年秋朝于京師帝後美之禮儀貌
有林畧代為蕃酋天寶十載范陽節度使安祿山陳思阿布思
不為之下祿山因請為將共討奚契丹阿布思懼祿下之害已
乃卒其部以叛帝詔北夷追之布思皇恐因西投葛羅祿葉獲

燕邏祿俱乃擒以送北庭焉

監本冊府元龜卷之九百八十六





日本海内元龜卷之九百八十六

日本海内元龜卷之九百八十六

